

廣正証

卷第五

釋詰

釋言

李恂伯讀

廣雅疏證卷第五上

高郵王念孫學

釋詁

央極中也

洪範云建用皇極

駭驚起也

息歸返也

說見卷二息返歸也下

奉貢獻也

鼎幔闔也

說見卷二幙幔覆也下。幙與幙通。幙各本
譌作慢。今訂正。闕通作奄。說文奄覆也。

令召靚也

說見卷二招命
靚召呼也下。

乾元天也

儀招來也

方言儀來也。陳
穎之間曰儀。

羨薄致也

羨與誘同。薄說見卷一
薄至也下。至與致通。

循率述也

搵拊擣也

說見卷四。搵各本
譌作搵。今訂正。

班秩序也

娟犯侵也

玉篇娟小娟侵也。趙策云稍稍蠶食之。稍與娟通。楚
辭九歌不寢近兮愈疏。王逸注云寢稍也。寢一作侵
犯。各本譌作
祀。今訂正。

誇誠警也

皆謂調戲也。說見
卷四誠調也下。

僮莫稚也

爾雅云雉之
莫子為鸚。

駮跛跛也

作騎馬形漫面作人面目也如淳曰幕音漫師古曰幕即漫耳無勞俗音今所呼幕皮者亦謂其平而無文也案幕字如淳音漫師古音莫而同訓為無文猶曼與莫之同訓為無也任氏幼植釋繪云說文縵縵無文也管子霸形篇君何不發虎豹之皮文錦以使諸侯令諸侯以縵帛鹿皮報左氏成五年傳乘縵注車無文是凡物之無文者謂之縵義與曼同也

荆剉斫也

荆見卷一制斫也下剉與斫同

菁蕩飪也

菁經傳通作亨說見卷三菁飪熟也下蕩說文作菁云煮也漢書郊祀志皆嘗蕩亨上帝鬼神顏師古注云蕩亨一也蕩亨煮而祀也引韓詩采蘋曰于以蕩之唯錡及釜毛詩蕩作湘云湘亨也菁蕩湘聲近義同菁音式羊反菁音普衡反各本菁譌作菁今訂正

土吐瀉也

太平御覽引春秋元命包云土之為言吐也說文云土地之吐生物者也又云吐寫也釋名云吐瀉也故楊豫以東謂瀉為吐也瀉與寫通

糗麵食也

說見卷八麩麥謂之麵及糗糒糒也下麵各本譌作麵今訂正

死專籒也

籒通作博各本皆作死專轉也下條圍碁弈也作圍碁籒奕也案籒與弈異事不得訓籒為弈方言籒吳楚之間或謂之死專是死專為籒之異名方言注云死音於辯反專音轉是廣雅專下轉字乃曹憲之音此因轉字誤入正文校書者又誤謂死專之訓為轉遂移籒字入下條耳今訂正

圍碁弈也

泚滅測也

皮膚剝也

說見卷三剝
膚皮離也下

山龍彰也

皋陶謨日月星辰山龍華蟲作會宗彝藻火粉米黼黻絺繡傳云黼若斧形黻為兩己相背爾雅黼黻乃通釋經也郭璞注與書傳同案爾雅以彰訓黼黻也爾雅又云傳中黼黻之事非專釋十二章之黼黻矣考工記說衰黻也直訓哀為黻明非十二章之黻矣章白與黑畫績之事云青與赤謂之文赤與白謂之章白與黑謂之黼黑與青謂之黻五采備謂之繡祭義云遂朱絲之元黃之以為黼黻文章是黼黻與文章同義故云黼黻彰也若山龍非五色相次之名不得直訓為彰此云山龍彰也蓋效爾雅而失其義矣

調諷也

說見卷四
諷調也下

戊秀茂也

漢書律歷志云豐楸於戊鄭注月令云戊之言茂也四時之間萬物皆枝葉茂盛茂與楸通

鄉救也

未詳

倬竊淺也

說文竊淺也爾雅釋鳥夏屬竊元秋屬竊藍冬屬竊黃棘屬竊丹昭十七年左傳正義云竊元淺黑也竊藍淺青也竊黃淺黃也竊丹淺赤也又爾雅釋獸虎竊毛謂之競貓魁如小熊竊毛而黃大雅韓奕傳云貓似虎淺毛者也

鬩戰鬪也

黃雀流登

卷第五

說文鬪也音義引劉熙注云鬪構也構兵以鬪也字亦
作鬪呂氏春秋慎行篇崔杼之子相與私鬪高誘注
云鬪鬪也鬪讀近鴻緩氣言之大雅召旻篇螽賊內
訖鄭箋云訖爭訟相陷
人之言也義與鬪相近

隅陬角也

廉枒稜也

鄭注鄉飲酒禮云側邊日廉說文枒稜也衆經音義
卷十八引通俗文云木四方為稜八稜為枒字通作
觚

備咳咸也

此方言文也樂記大章章之也咸池備矣史
記樂書備矣作備也餘見卷二咳備也下

奇尤異也

敷放妄也

莊子庚桑楚篇蹶市人之足則辭以放驚郭象注云
稱已脫誤以謝之釋文引廣雅驚妄也驚與敷通亦
作傲荀子勸學篇未可與言而言謂之警傲謂妄言而
不言謂之隱不觀氣色而言謂之警傲謂妄言也論
語云言未及之而言
謂之躁躁亦妄也

貶費損也

焚燎燒也

燁爨炊也

說文燁爨也昭二十一年左傳燁之以薪杜預注與說
文同釋文云燁然也燁然聲相近然火謂之燁故爨
亦謂之燁周語火無災
燁韋昭注云燁焱起兒

譁諛諂也

廣雅疏證 卷第五
譎與佞通 諛各本
譎作諛 今訂正

拂拍搏也

說文拂過擊也 卷
三云拍搏擊也

懲渡恣也

恣與艾通亦通作刈 堯典五流有宅五宅三居王制
正義引鄭注云宅讀曰咤懲刈之器謂五刑之流皆
有器懲刈 史記五帝紀作五流
有度度渡宅咤竝聲近而義同

枚箇凡也

方言枚凡也 昭十二年左傳南蔽枚筮之 杜預注云
不指其事 汎上吉凶正義云或以爲汎上吉凶謂枚
雷總上禮云無雷同是總眾之辭也 今俗語云枚雷
即其義 哀十六年傳王與葉公枚卜子良以爲令尹
注云枚上 不斥言所卜以令龜是枚爲凡也 方言箇
枚也 郭璞注云謂枚數也 字或作个 特牲饋食禮俎

釋三个 鄭注云个猶枚也 今俗言物數
有若干个者此讀然是箇與枚同義

毅距困也

皆未
詳

遷徙移也

忒慎慎也

說文忒惕也 引吳語于其心忒然 今本作戚然 韋昭
注云戚猶惕也 戚字蓋傳寫之誤 廣韻云忒意慎忒
也 管子弟子職篇云顏色整齊 中心必式 式與忒聲
義相近 卷四云慎恐也 慎亦恐也 玉篇慎心動也 方
言蚤悞戰慄也 荆吳曰蚤悞 蚤
悞又恐也 竝與慎聲近義同

廩治也

廩曹憲讀爲稟 稟稟二字 諸書皆無訓爲治者 治蓋
給字之譌 說文稟賜穀也 漢書文帝紀 吏稟當受鬻

者顏師古注云稟給也蘇武傳廩食不至注云無人給飲之

礪石碓也

廣韻礪落也玉篇石碓落也礪石碓一聲之轉卷四云石搥搥也礪伐也石石搥搥礪聲義竝相近廣韻太平御覽引廣雅礪作碓

移脫遺也

移為遺與之遺脫為遺失之遺漢書武帝紀受爵賞而欲移賣者無所流馳應劭注云馳音移言無所移與也移馳聲義竝同

專齊也

說見卷四專齊也下

河漚淖也

說文河多汁也又云漚河泥也淮南子原道訓甚淖而河高誘注云河亦淖也饘粥多瀋者謂之河兵略訓云道之浸洽河淖纖微無所不在衆經音義卷十一引通俗文云和漚曰淖鄭注士虞禮記云淖和也

真是此也

諸書無訓真為此者各本真字皆書作真真是此也當是直此是也之譌直為是正之是此為如是之是說文是直也是其證矣或曰當作直是正也說文直正見也正是也

將鰲帥也

鰲古通作渠史記田叔傳取其渠率二十人率與帥通

夙漸也

太平御覽引春秋說題辭云夙之為言漸精爽窮也說文夙漸也人所離也鄭注檀弓云消盡為漸

龍光寵也

龍光寵也

廣雅疏證 卷第五
鄭注師卦云、寵、光耀也、小雅蓼蕭篇、為龍為光、毛傳云、龍、寵也、周頌酌篇、我龍受之、鄭箋云、龍、寵也、龍、寵聲相近、故古人以二字通用、昭十二年左傳、引蓼蕭詩、龍光作寵、光、商頌長發篇、何天之龍、箋云、龍、當作寵、師象傳、承天寵也、王肅本作龍、

為譌譁也

皆謂變化也、說見卷三、譁、為、匕也、下、匕、與化通、

涕泣淚也

跽匍匐也

說見卷三、匍、跽、伏也、下、伏、與匍通、各本跽下俱有莊字、段氏若膺云、莊與匍、匐之義不相近、廣雅釋詁、跽、伏也、曹憲音壯、拳反、文選魯靈光殿賦、狡兔跽伏於柎側、李善音壯、攀切、玉篇音莊、攀切、廣韻音莊、緣切、廣雅跽、下、莊字、當是反語之上、一字誤為正文也、案廣雅釋言篇內、無連舉三字解之者、莊非正文、甚明、

今從段說刪、

昭晴謨也

昭、各本譌作昭、今訂正、廣韻引字、林云、昭、晴、不悅、目兒、說文、謨、恚也、

猜阻疑也

閔二年左傳、是服也、狂夫阻之、杜預注云、阻、疑也、

雷霽霖也

說文、雷、久雨也、又云、涵、水澤多也、涵與雷義相近、說文、涔、漬也、漬、久雨涔、漬也、淮南子、主術訓、時有涔、旱災害之患、高誘注云、涔、久雨水潦也、涔與霽同、爾雅云、久雨謂之淫、淫謂之霖、霖淫、涔、古聲亦相近也、方言、潛、猶久雨謂之雷、亦謂之霽也、

賀皆嘉也

說文賀曰禮物相慶嘉也嘉與賀古同聲而通用觀禮子一人嘉之鄭注云今文嘉作賀晉語賀大國之襲於己說苑辨物篇賀作嘉皆是也嘉皆一聲之轉字通作借小雅魚麗曰維其嘉矣又曰維其借矣賓之初筵曰飲酒孔嘉又曰飲酒孔借借亦嘉也解者多失之

易與如也

皆一聲之轉也宋定之云繫辭傳易者象也象也者像也像即如似之意引之云論語賢賢易色易者如也猶言好德如好色也二說並通易訓為如又有平均之義下文云如均也爾雅平均易也是易如與平均同義方言易始也郭璞注云易代更始也義近於鑿廣雅之訓多本方言此條訓易為如而釋詁始也一條內不載易字疑張氏所見本始作如也襄二十六年左傳引夏書曰與其殺不辜寧失不經凡經傳言與其者皆謂如其也閔元年左傳猶有令名與其及也史記集解引王肅注云雖去猶可有令名何與其坐而及禍也何與猶何如也秦策云秦昭王謂左右曰今日韓魏孰與始強對曰弗如也王曰今之如耳魏齊孰如孟嘗莊卯之賢對曰弗如也孰與猶孰如也班固東都賦云僻界西戎險阻四塞脩其防禦孰與處乎土中平夷洞達萬方輻湊秦嶺九峻涇渭之川曷若四瀆五嶽帶河沂洛圖書之淵曷若猶孰與也漢書鼂鎔傳今匈奴上下山阪出入溪澗中國之馬弗與也弗與猶弗如也與如若亦一聲之轉與訓為如又有相當之義襄二十五年左傳申鮮虞與閭邱嬰乘而出行及弇中將舍嬰曰崔慶其追我鮮虞曰一與一誰能懼我杜預注云弇中狹道也道狹雖眾無所用案與猶當也言狹道之中一以當一雖眾無所用也下文云崔慶之眾不可與也當亦與也

詭覆反也

班固幽通賦變化故而相詭兮曹大家注云詭反也大戴禮保傅篇左右之習反其師賈子傳職篇反作詭漢書武五子傳云詭禍為福史記李斯傳云今高有邪佚之志危反之行詭危竝與詭通說文詭變也

變亦反也

審覆索也

爾雅覆察審也郭璞注云覆校察視皆所為審諱覆校即考索也考工記弓人覆之而角至鄭注云覆猶察也定四年左傳云藏在周府可覆視也月令云命舟牧覆舟孫子行軍篇云軍行有險阻潢井葭葦山林翳薈者必謹覆索之索與索通審察索三字皆從宀宀訓為覆覆訓為審義相因也

輸擯墮也

皆謂墮壞也小雅正月篇載輸兩載鄭箋云輸墮也公羊春秋隱六年鄭人來輸平傳云輸平猶墮成也何言乎墮成敗其成也穀梁傳云輸者墮也來輸平者不果成也是輸為墮壞也其輸寫物亦謂之墮昭四年左傳寡君將墮幣焉服虔注云墮輸也方言擯墮壞也陸與墮同太元度次三小度差大擯之階測日小度之差大度傾也是擯為墮壞也方言云怠壞也故壞謂之墮亦謂之擯亦謂之輸怠謂之情亦謂之擯亦謂之窳情與墮擯與擯窳與輸古聲竝相近也

償報復也

詩意志也

各本皆作詩意志也案詩志聲相近故諸書皆訓詩為志無訓為意者詩序云詩者志之所之也在心為志發言為詩賈子道德說篇云詩者此之志者也詩譜正義引春秋說題辭云在事為詩未發為謀恬澹為心思慮為志詩之為言志也書大傳注云詩言之志也說文及楚辭九章注竝云詩志也今據以訂正

眷隼顧也

說文隼左右兩視也玉篇隼具肩切顧也古隼字謂左右視也隼從矢佳聲與隼字異隼從矢圭聲音胡反

癘瘕蚌也

賈惟流登

卷第五上

七

玉篇癘大痒也、癢小痒也、痒與蚌通、亦通作養、俗作癢

趨獬廬也

皆驚散之貌也、玉篇趨散走也、高誘注淮南子主術訓云、劓讀驚攢之攢攢與趨通、方言、宋衛南楚凡相驚曰獬郭璞注云、獬驚貌也、說文、獬犬獬不附人也、讀若南楚相驚曰獬、又云、獬犬獬獬不可附也、揚雄、勳、秦、美、新、云、來、儀、之、鳥、肉、角、之、獸、狙、獬、而、不、臻、狙、獬、亦、驚、散、之、貌、也、狙、與、廬、通、

兼絰并也

絰之言比也、玉篇絰、縷并也、鄘風、干旄篇、素絲紕之、毛傳云、總紕於此、成文於彼、義與絰相近、

褻黷狎也

覺蘇害也

蘇通作蘇、害通作寤

諸旃之也

皆一聲之轉也、諸者之於之合聲、故諸訓為之、又訓為於、旃者之焉之合聲、故旃訓為之、又訓為焉、唐風采芩箋云、旃之言焉也、

竝偕俱也

餽餽也

餽者、溫存之意、唐段公路北戶錄、引字林云、餽、饋女也、音乃管反、又引證俗音云、今謂女嫁後三日、餉、餽、為餽女、各本皆脫餽字、集韻類篇、引廣雅、餽、餽、饋也、今據以補正、餽之言運也、說文、野饋、曰餽、成、五、年、左傳、晉、荀、首、如、齊、逆、女、故、宣、伯、餽、諸、穀、杜、預、注、云、運、糧、饋、之、

紕著納也

爾雅、紕、紕也、說文、紕、縫也、急就篇、鍼、縷、補、縫、綻、紕、緣、顏、師、古、注、云、納、刺、謂、之、紕、卷、四、云、著、補、也、著、之、言、相、

丁著也，士喪禮記冠六升外纆，鄭注云，纆謂縫著於武也。卷四云，衲補也，衲與納通。

跂踣也

玉篇，踣，足跌也。踣與踣同。說文，跂，曲脛馬也。踣，各本譌作踣。今訂正。說文，踣，曲脛也。讀若達。漢書賈誼傳，非徒病瘡也。又苦踣，顏師古注云，踣，古蹠字。足下日蹠，今所呼腳掌是也。蹠，古戾字。言足蹠反戾不可行也。錢氏曉徵曰，說文，玉篇俱無蹠字。小顏讀為蹠，蓋臆說也。蹠字當是踣字之譌。踣，謂足脛曲戾，不便行動。案錢說是也。踣從足，彳聲。彳從卅，肉聲。隸書卅字或作大，故踣字或作踣。其右半與彳字相似，因譌而為蹠矣。

嗽警欬也

衆經音義卷六引倉頡篇云，警，欬聲也。莊子徐無鬼篇云，而況乎昆弟親戚之警，欬其側者乎。

劓穫刈也

小雅白華篇，樵彼桑薪，樵與劓通。

詆譙呵也

說文，詆，苛也。一曰訶訶，呵，苛義相近。墨子修身篇云，詆訐之民。衆經音義卷二十引倉頡篇云，譙，訶也。餘見卷二，譙讓也。下，影宋本。譙作誰，誰亦呵也。說文，誰字在詆字下。云，何也。何與呵通。史記秦紀，信臣精卒，陳利兵而誰何。索隱引崔浩云，何或為呵。漢舊儀，宿衛郎官分五夜，誰呵。漢書五行志，公車大誰卒，應劭注云，在司馬殿門掌護呵者也。六韜金鼓篇云，令我壘上誰何不絕。揚雄，衛尉箴云，二世安宿，敗於望夷。閭樂矯，揆戟者不誰，皆是也。史記萬石君傳，歲餘不譙呵，綰索隱云，譙呵音誰。何誰與譙義同，而聲亦相近。例見釋宮。趨奔也。下。

平均賦也

方言，平均，賦也。燕之北鄙，東齊之北郊，凡相賦斂，謂之平均。史記平準書云，桑宏羊以諸官各自市，相與

唐雅面言 卷之三
爭物故騰躍而天下賦輸或不償其傲費乃請置大
農部丞數十人分部主郡國各往往縣置均輸鹽鐵
官令遠方各以其物貴時商賈所轉販者為賦而相
灌輸置平準於京師都受天下委輸大農之諸官盡
籠天下之貨物貴則賣之賤則買之如此富商大賈
無所牟大利則反本而萬物不得騰踊故抑天下物
名曰平準是平均皆賦也急就篇云
司農少府國之淵遠取財物主平均

勃快懟也

方言鞅倅懟也卷四云倅恨也倅與勃通說文快不
服懟也史記伍子胥傳云常鞅鞅怨望白起傳云其
意快快不服快與鞅通懟謂之勃快故怒亦謂之
勃快趙策云新垣衍快然不悅即勃然不悅也

率計校也

周髀算經云
以率率之

譏諫怨也

諫通作刺論語陽貨篇詩可以怨邶風擊鼓正義引
鄭注云怨謂刺上政漢書禮樂志云怨刺之詩起是
怨與譏
刺同意

錒撻撞也

說文揜擣頭也楚辭招魂鏗鍾搖篴王逸注云鏗撞
也班固東都賦云發鯨魚鏗萃鐘揜錒竝通文選
子虛賦撻金鼓李善注引韋昭曰撻擊也字亦作鏗
史記吳王濞傳即使人鏗殺吳王南越傳欲鏗嘉以
矛索隱引韋昭曰鏗撞也撞謂之鏗故矛亦謂之
鏗方言云矛吳揚江淮南楚五湖之間或謂之鏗

種豫早也

說文種早種也魯頌閟宮篇種稊菽麥毛傳云先種
曰種後種曰稊釋名云青徐人謂長婦曰種禾苗先
生者曰種取
名於此也

囚纍拘也

資生流登

卷之三

三

俚慙賴也

漢書季布欒布田叔傳贊夫婢妾賤人感槩而自殺非能勇也其畫無俚之至耳晉灼注云揚雄方言曰俚聊也許慎曰賴也此謂其計畫無所聊賴至於自殺耳孟子盡心篇稽大不理於口趙岐注云理賴也理與俚通

敕慎謹也

逋夢亾也

贅叔屬也

大雅桑柔篇具贅卒荒毛傳云贅屬也正義云贅猶綴也謂繫綴而屬之長發云為下國綴旒襄十六年公羊傳曰君若綴旒然是贅綴同也孟子曰太王屬其耆老書傳云贅其耆老是贅為屬也襄十六年公羊傳注云贅繫屬之辭若今俗名就壻為贅壻矣釋名說贅肱之義云贅屬也橫生一肉屬著體也並事

異而義同

州誤殊也

藝文類聚引春秋說題辭云州之言殊也合同類異其界也

日類節也

日為節度之節類為絲節之節開元占經日占篇引春秋元命包云日之為言節也開元立節使物咸別白虎通義云日之為言實也節也常滿有節也說文類絲節也淮南子汜論訓明月之珠不能無類高誘注云若絲之有結類也

諫督促也

諫亦促也說文諫鋪旋促也

稽效考也

稽效考也

卷第五上

左

廣牙正詞 效之言校也月令云分繭稱絲效功

穀字乳也

說見卷一字乳穀生也下穀與穀同各本字字誤入曹憲音內今訂正

靈禔福也

昭三十二年左傳云今我欲徵福假靈於成王哀二十四年傳云寡君欲徵福於周公願乞靈於臧氏漢書董仲舒傳云受天之祐享鬼神之靈是靈為福也卷一云祿靈善也爾雅祿福也福與善義相近故皆謂之祿又皆謂之靈靈與祿一聲之轉耳方言禔福也漢書司馬相如傳中外禔福史記作提同

凌駮馳也

楚辭大招冥凌浹行王逸注云凌猶馳也方言駮馬馳也郭璞注云駮駮疾貌也劉向九歎云雷動電發駮高舉兮揚雄甘泉賦云輕先疾雷而駮遺風說文駮馬行相及也又云縱行兒一日此與駮同嵇康琴賦云飛纖指以馳騫紛徑壽以流漫漢書司馬相如傳汨減駮以永逝兮顏師古注云駮然輕舉意也廣雅釋訓云駮駮行也義竝與駮同

傅亮相也

堯典亮采惠疇史記五帝紀亮采作相事

南壬任也

南壬任古竝同聲藝文類聚引尸子云南方為夏夏與也南任也萬物莫不任與蕃殖充盈書大傳云南方者何也任方也任方者物之方任漢書律歷志云大陽者南方南任也陽氣任養物淮南子天文訓云南呂者任包大也小雅鼓鍾傳云南夷之樂曰任白虎通義引樂元語云南夷之樂曰南南之為言任也任養萬物是凡言南者皆任之義也大戴禮本命篇云男者任也子者孳也言任天地之道而長萬物之義也昭十三年左傳鄭伯男也周語作南男與南亦同聲同義史記律書云王之為言任也言陽氣任養

萬物於下也、漢書律歷志云、懷任於王、釋名云、王、妊也、陰陽交、物懷妊、至子而萌也、妊與王亦同聲、同義、
裁宰制也

竦鷲執也

楚辭九歌、竦長劍兮、擁幼艾、王逸注云、竦、執也、玉篇作攬、同、離騷、鷲、鳥之不羣兮、注云、鷲、執也、謂能執伏眾鳥、鷹、鷲之類也、說文、繫握持也、義亦與鷲同

正略要也

淮南子地形訓、紀之以四時、要之以太歲、高誘注云、要、正也、孟子滕文公篇、此其大略也、趙岐注云、略、要也

角抵觸也

角觸、古聲相近、獸角所以抵觸、故謂之角、詩卷耳正義引韓詩說云、四升曰角、角觸也、不能自適、觸罪過也

也、風俗通義引劉歆鐘律書云、角者觸也、物觸地而出、戴、芑、角也、是凡言角者皆有觸義也、說文、抵、觸也、海外北經、相柳之所抵厥郭璞注云、抵、觸也、抵與抵通

寢執厭也

說文、厭、竿也、一曰合也、玉篇於持於葉二切、眾經音義卷一引倉頡篇云、伏合人心曰厭、說文、寢、寐而厭也、字亦作眯、高誘注、淮南子精神訓云、楚人謂厭為眯、西山經、鵠、鵠、服之使人不眯、郭璞注云、不厭、夢也、引周書王會篇云、服者不眯、莊子天運篇、彼不得夢必且數眯焉、司馬彪注云、眯、厭也、說文、執、屋傾下也、方言云、凡柱而下曰埶、屋而下曰埶、亦謂厭伏也、埶與執通

馮齎裝也

齎、通作資、爾雅、將資也、郭璞注云、謂資裝、裝將聲近義、同、聘禮記、問幾月之資、鄭注云、資、行用也、古文資為齎

偽言端也

皆未詳

樊裔邊也

莊子人間世篇云若能入遊其樊而無感其名入則鳴不入則止則陽篇云夏則休乎山樊李頤注云樊傍也高誘注淮南子精神訓云樊厓也皆謂邊也字通作藩莊子大宗師篇云吾願遊乎其藩淮南子原道訓注云裔邊也文十八年左傳云投諸四裔楚辭九歌蛟何為兮水裔王逸注云水涯說文裔衣裾徐鍇傳云裾衣邊也故謂四裔

逕趙及也

及各本譌作召今訂正爾雅逮及也又云逮逕也郭璞注云今荆楚人皆云逕方言迨逕及也東齊曰迨關之東西曰逕或曰及說文逕迨也玉篇云迨逕行相及也王褒洞簫賦云驚合逕以詭譎漢書禮樂志騎沓沓顏師古注云沓沓疾行也疾行亦相及之意故釋名云急及也操切之使相逮及也說文眾目相及也認語相及也義竝與逕通說文趨趙及也趨音馳驅之馳穆天子傳天子北征趙行郭璞注云趙猶超騰也超騰亦謂疾行是逕趙皆及也

緯衡橫也

說文緯織橫絲也大戴禮易本命篇云凡地東西為緯南北為經

井絜靜也

說文灑無垢歲也灑與靜通釋名云井清也泉之清絜者也

痲店癩也

說文瘡寒熱休作病也痲二日一發瘡也店有熱瘡也釋名云瘡虐也凡疾或寒或熱耳而此疾先寒後熱兩疾似酷虐者也哀二年左傳云店作而伏餘見卷一疥病也下

噴 嚏也

衆經音義卷十引倉頡篇云嚏噴鼻也各本脫嚏也
二字衆經音義卷十六十九竝引廣雅噴嚏也今據
以補

駢 竝也

說文駢駕二馬也管子四稱篇云入則乘等出則黨
駢各本脫駢字莊子駢拇篇釋文引廣雅駢竝也今
據以
補正

靡離麗也

靡爲靡麗之麗離爲附麗之麗說文麗爾猶靡麗也
司馬相如上林賦云所以娛耳目樂心意者麗靡爛
漫於前靡曼美色於後離彖傳云離麗也象傳云明
兩作離曲禮離坐離立鄭注云離兩也桓二年公羊
傳離不言會何休注云二國會曰離兩也離皆謂麗也離與
麗古同聲而通用士冠禮注云古文儷爲離月令注

云離讀如儷偶之儷儷與麗同
各本譌作靡麗離也今訂正

儀愈賢也

引之云大誥民獻有十夫傳訓獻爲賢大傳作民儀
有十夫漢書翟義傳作民儀九萬夫班固竇車騎將
軍北征頌亦云民儀響慕羣英景附古音儀與獻通
周官司尊彝鬱齊獻酌鄭司農讀獻爲儀郭璞爾雅
音曰儀音儀說文儀從車義聲或作鑿從金獻聲皆
其證也漢斥彰長田君碑曰安惠黎儀伐討姦輕泰
山都尉孔宙碑曰乃綏二縣黎儀以康堂邑令費鳳
碑曰黎儀瘁傷泣涕連漉黎儀卽皋陶謨之萬邦黎
獻也漢碑多用經文此三碑皆言黎儀則皋陶謨之
黎獻漢世必有作黎儀者矣洪适隸釋讀儀爲旄倪
之倪
非是

統己紀也

說文統紀也齊語云班序顛毛以爲民紀統漢書律
歷志云理紀於己釋名云己紀也物皆有定形可紀

廣雅疏證 卷之三
識也、已各本譌
作已、今訂正、

奠祭薦也

擻負也

說見卷三
擻擔也下、

羌乃也

楚辭離騷、余以蘭為可
侍兮、羌無實而容長、

羌卿也

楚辭離騷、羌內恕己、以量人兮、王逸
注云、羌、楚人語辭也、猶言卿何為也、

卿章也

白虎通義云、卿之為言章也、章善明治也、北堂書鈔
引漢官儀云、卿、章也、明也、言當背邪向正、章明道德、

也、初學記引釋名云、卿、
章也、言貴盛、章著也、

廁間也

各本皆作廁間非也、案諸書皆訓廁為間、無訓為非
者、此因間下脫去也、字、而下文非也、上、又脫去、
字、遂誤合為一條、文選琴賦注及眾經音義卷二十
五、華嚴經卷三十九、音義竝引廣雅、廁間也、今據以

訂正、

閒非也

說見卷二
閒諍也下、

說詐也

各本脫去詐也二字、遂與下條相連、眾經音義卷十
四、引三倉云、詭、譎也、卷二十三、引廣雅、詭、詐也、今據
以補、
正、

犀總也

犀曹憲音西總曹憲音思案總隸省作總總與犀義不相近犀當為屬總當為總說文總聚束也玉篇總合也周官州長各屬其州之民而讀法鄭注云屬猶合也聚也王逸離騷注云總結也韋昭晉語注云屬結也是總屬二字同義屬與犀總與總皆因形近而誤卷三內總聚也總字譌作總曹憲音思誤與此同

曩載也

曩或作燾燾又作壽說見卷二曩覆也下載通作戴方言壽蒙覆也壽戴也小爾雅蓋戴燾蒙覆也班固西都賦云上反字以蓋戴太元元文蒙南方也夏也物之脩長也皆可得而載也范望注云枝葉已成蒙覆於人上皆可燾載者是載與曩同義載各本皆作載隸書載字或省作載因譌而為載今訂正

風吹也

曾何也

方言曾何也湘潭之原荆之南鄙謂何為曾若中夏言何為也何各本譌作阿今訂正

風放也

釋名云風放也氣放散也又柴誓馬牛其風魯世家集解引鄭注云風走逸也僖四年左傳唯是風馬牛不相及也柴誓正義引賈逵注云風放也牝牡相誘謂之風風又音諷小雅北山篇或出入風議鄭箋云風猶放也

流演也

說文演長流也周語夫水土演而民用也文選長笛賦注引賈逵注云演引也

徇巡也

徇巡古同聲而通用桓十三年左傳莫敖使徇于師宣四年傳王使巡師是徇即巡也泰誓釋文引字詁云徇巡也爾雅釋言釋文引字詁云徇今巡字巡各本皆作迷巡隸或作迷因譌而為迷今訂正

賧

各本皆作賧賧也案賧與賧義不相近此因賧下脫去二字而下文賧賧也又脫去賧字遂誤合為一條今訂正廣韻賧賧賧也義或本於廣雅

賧 賧也

周官泉府凡賧者鄭眾注云賧賧也史記高祖紀常從王媪武負賧酒集解引韋昭曰賧賧也各本脫賧字高祖紀索隱及眾經音義卷十二竝引廣雅賧賧也今據以補正

賧賭也

文選博奕論賭及衣物李善注引埤倉云賭賧也

壓鎮也

經徑也

釋名經徑也常典也如徑路無所不通可常用也

卦挂也

易乾鑿度云卦者挂也挂萬物視而見之

譬喻也

睽乖也

序卦傳文

天顛也

太平御覽引春秋說題辭云天之為言顛也居高理下為人經緯故立字一大為天天各本譌作天今訂正

勛設也

廣雅疏證 卷第五
說文，馮，設，飪也。讀若載。大雅，旱麓篇，清酒既載。文選，面征賦，注引薛君韓詩章句云，載，設也。士昏禮云，匕俎從設，北面載，載與馮通。載為陳設之設，又為假設之設。法言，先知篇，或曰，載，使子草律曰，吾不如宏恭。李軌注云，載，設也。

竹感也

白虎通義說，馮服云，所以杖竹桐，何，取其名也。竹者，感也。桐者，痛也。

馮登也

周官馮相氏注云，馮，乘也。相，視也。世登高臺，以視天文之次序。

眩惑也

宥赦也

參三也

令伶也

秦風車鄰篇，寺人之令，韓詩作伶，云，使伶也。

紉擘也

說文，紉，緝繩也。玉篇，紉，繩縷也。展而續之也。楚辭，離騷，紉秋蘭以為佩。王逸注云，紉，索也。紉，各本譌作紉。方言，擘，楚謂之紉。郭璞音刃，今據以訂正。各本所載，曹憲音釋，擘下有古萬二字。案古萬反，疑此條下尚有擘字音，卷一云，輦，曲也。曹憲音古萬反，疑此條下尚有擘字音，也三字，而古萬則輦字之音也。擘之言屈，辟，輦之言卷，曲也。卷四云，襞，輦，詘也。說文，詘，詰也。一曰，屈，襞又云，襞，輦衣也。士喪禮注云，以席覆重，辟，屈而反兩端，交於後。莊子，田子方篇，口辟焉而不能言，司馬彪注云，辟，卷不開也。卷與輦通，辟，擘，竝與襞通。紉，訓為擘，擘又訓為輦，所以別異義也。若上文羌訓為卿，卿又訓為章矣。

夜暮也

寐臥也

嚮諫也

玉篇引埤倉云嚮不知是誰也方言諫不知也沅澧之間凡相問而不知答曰諫

國邦也

義宐也

祭義云義者宐此者也中庸云義者宐也

漉滲也

說見卷一滲滲盡也下滲與漉同

勝久也

豳風七月篇三之日納于凌陰毛傳云凌陰冰室也凌說文作勝冰說文作久

害割也

堯典湯湯洪水方割傳云割害也釋名云害割也如割削物也害割古同聲而通用大誥天降割于我家馬融本作害

躓蹇也

淮南子原道訓先者躓陷高誘注云楚人謂躓為躓原道訓又云足躓蹇埒躓與躓通躓與蹇通

駟會也

會或作儉衆經音義卷六引聲類云儉合市人也呂氏春秋尊師篇段干木晉之大駟也高誘注云駟會顏師古注云儉者合會二家交易者也駟者其首率也

粹鑿也

說文淬堅刀刃也。又云鑿剛也。徐錯傳云淬刀劍刃使堅也。淬與淬通。燕策云得趙人徐夫人之匕首使工以藥淬之。文選聖主得賢臣頌清水淬其鋒。李善注引郭璞三倉解詁云淬作刀刃鑿也。漢書王褒傳注云淬謂燒而內水中以堅之也。天文志火與水合為淬。晉灼注云火入水故曰淬。

恩齶也

棹統也

皆未詳。棹皇甫本作棹。

內裏也

課第也

謂品第之也。逸周書大匡解云程課物徵。

況茲也

小雅常棣篇況也。永歎。毛傳云況茲也。大雅桑柔篇倉兄填兮傳云兄滋也。兄與況通。茲與滋通。晉語眾況厚之。韋昭注云況益也。益亦滋也。

茲今也

憂懷也

未詳

收振也

中庸振河海而不泄。鄭注云振猶收也。孟子萬章篇云金聲而玉振之也。周官職幣掌式灋以斂官府都鄙與凡用邦財者之幣。振掌事者之餘財。斂振皆收也。故鄭注云振猶拊也。檢也。廣雅卷三云拊收也。孟子梁惠王篇注云檢斂也。賈疏云以財與之謂之拊。知其足剩謂之檢。皆失之。秦風小戎篇小戎倭收。毛傳云收軫也。正義云軫所以收斂所載。故名收焉。軫與振亦聲近義同。

膠捋也

周南關雎篇參差荇菜左右流之流與膠通謂捋取之也捋流一聲之轉左右流之左右采之猶言薄言采之薄言捋之耳下文云左右采之流采芣皆取也芣芣傳云采捋取也卷一云采芣取也此云膠捋也義竝相通

摻操也

鄭風遵大路篇摻執子之祛兮毛傳云摻擊也說文擊撮持也

泌流也

邶風泉水篇泌彼泉水毛傳云泉水始出泌然流也韓詩作泌說文作泌陳風衡門篇泌之洋洋毛傳云泌泉水也說文泌駛流也竝字異而義同

宿留也

膏滑澤也

又

各本皆作又括也案諸書無訓又為括者此因本條內有脫文而下條檢括也又脫去檢字遂誤合為一條今訂正

檢括也

檢括一聲之轉文選辨亡論注引薛君韓詩章句云括約束也法言君子篇蠢迪檢押李軌注云檢押猶隱括也蔡邕薦邊讓書云檢括竝合各本脫檢字衆經音義卷六卷十四竝引廣雅檢括也今據以訂正

社封也

哀四年公羊傳社者封也何休注云封土為社

愿慤也

廣雅流登

卷第五十二

三

風氣也

姦偽也

兵防也

高誘注淮南子兵略訓云兵防也防亂之萌

乾剛也

見雜卦傳

繹摺也

說文繹摺絲也摺與抽同

忍耐也

片禪也

禪與單通各本譌作禪今訂正

妊娠也

粹純也

專擅也

虞驚也

崔駰北征頌云雍容清廟謐爾無虞

康溲也

說文康人小便也古通作溺晉語少溲于豕牢韋昭注云溲便也

偃仰也

說見卷四偃僵也下

浮漂也

𠬞 𠬞也

說文𠬞𠬞上問也玉篇音市照切各本皆脫
𠬞字集韻引廣雅𠬞𠬞上也今據以補正

侵凌也

卻退也

退各本譌作
退今訂正

蹶蹠也

皆謂蹠也蹶字亦作蹶蹠字亦作蹶又作蹠說文蹶
蹠也漢書申屠嘉傳材官蹶張如淳注云材官之多
力能腳蹠彊弩張之故曰蹶張淮南子說林訓云游
者以足蹶以手拈又脩務訓云夫馬之為草駒之時
蹶蹠足以破盧陷匈莊子馬蹄篇馬怒則分背相蹠
李頤注云蹠蹠也月令游牝別羣則繫騰駒鄭注云

為其壯氣有餘相蹄齧也說文蹠蹠也蹠與蹶古亦
通用爾雅蹶泄苦棗釋文蹶本亦作蹠是其證矣蹠
謂之蹶亦謂之蹠走謂之蹠亦謂之蹠義相因也越
語蹶而趨之韋昭注云蹶走也呂氏春秋貴直篇云
狐援聞而蹶往過之說文越蹠也蹠馬行兒史記張
儀傳揆前蹶後索隱云言馬之走勢疾也義竝與蹶
同淮南子脩務訓墨子跌蹠而趨千里高誘注云跌
疾行也蹠趨走也蹠與蹠通漢書武帝紀馬或奔蹠
而致千里奔蹠猶奔逸也馬奔逸則有覆車之患故
下文云泛駕之馬亦在御之而已顏師古訓蹠為蹠
之失

跌蹶也

困悴也

彫鏤也

歲遂也

歲遂也

卷之二十一

三

太平御覽引春秋元命包云歲之為言遂也白虎通義云歲者遂也三百六十六日一周天萬物畢成故為一歲也

遂育也

樂記氣衰則生物不遂史記樂書遂作育

禮體也

禮器云禮也者猶體也大戴禮曾子大孝篇云禮者體此者也定十五年左傳云夫禮外生存亾之體也

埠的也

說文埠射泉也泉射埠的也埠與埠通亦作塾辜周官司裘注云侯者以虎熊豹麋之皮飾其側又方制之以為辜謂之鵠著于侯中列子仲尼篇云前矢造埠而無絕落太元曹次三師或導射豚其埠范望注云埠射的也後漢書齊武王傳畫伯升像於塾且起射之東觀記續漢書竝作埠小雅賓之初筵篇發彼

有的毛傳云的質也淮南子原道訓注云質的射者之準槩也槩與泉同

奮訊也

奮振也

扒擊也

卷一云擊分也扒之言別也淮南子說林訓解梓者不在於捌搭在於批抗高誘注云批擊也抗推也擊其要也此言解梓者不在於分別架格但擊其要則梓自解也捌與扒同說文八別也義與扒亦相近

醒長也

醒與長義不相近凡病酒謂之醒煩病亦謂之醒小雅節南山篇憂心如醒毛傳云病酒曰醒是醒為病酒也管子地員篇云五沃之土其人堅勁寡有疥騷終無痃醒枚乘七發云嘘唏煩醒是醒為煩病也玉篇醒陳貞切廣韻直貞切陳貞直竝與長貞同音疑此條醒下脫去一字其長字則反語之上一字誤

入正
文也

播抵也

未詳

對奮也

奮經傳
通作荅

請乞也

沽搭也

字書無沽字沽當為沽或當為苦搭當為略皆字之誤也沽者粗略之意檀弓以為沽也鄭注云沽猶麤也周官典婦功辨其苦良鄭眾注云苦讀為鹽謂分別其縑帛與布紵之麤細唐風鴉羽傳云鹽不攻緻也並字異而義同

齧鹹也

說文着齧鹹也从鹵差省聲河內謂之着沛人言若盧曲禮鹽曰鹹齧鄭注云大鹹曰齧今河東云着齧齧並同說文着齧魚也南方謂之齧北方謂之齧周官庖人注作齧藏魚也今之鹹魚也爾雅滷矜鹹苦也郭璞注云苦即大鹹釋文矜作齡鹹謂之齧又謂之齡鹹魚謂之齡又謂之齧其義一也着各本譌作着今訂正

沾益也

說見
卷一

拊陞也

拊亦作拯說見
卷三拊拔也下

馴擾也

一 攬通作攬說見卷

族湊也

說見卷三湊族聚也下白虎通義云正月律謂之太族何太者大也族者湊也言萬物始大湊地而出也
族族聲
近義同

威德也

周頌有客篇既有淫威降福孔夷正義云言有德故易福風俗通義十反篇云書曰天威棗謨言天德輔誠也呂氏春秋應同篇引黃帝曰
芑芑味味因天之威與元同氣

眇莫也

衆經音義卷二十一引此而釋之曰言遠視眇莫不知邊際也楚辭九章云路眇眇之默默莊二十八
左傳云狄
之廣莫

任侷也

說文任侷也襄二十一年左傳云不能侷任其父之勞

荆侷也

說見卷三
刑成也下

譽遷也

說文輿升高也或作譽隸省作譽漢志多以譽爲遷字

穀培也

說文穀未燒瓦器也玉篇音苦谷切穀之言設也說文穀素也易乾鑿度云太素者質之始也方言穀麴也說文籛未練治纊也字通作穀論衡量知篇云無染練之治名曰穀麴玉篇穀土擊也穀穀穀籛並音苦谷反義相近也穀各本譌作穀集韻類篇並引廣雅穀培也今據以訂正培曹憲音片回反說文坏瓦

未燒也、淮南子精神訓云、夫造化者既以我為坏矣、大元干次五、或錫之坏、范望注云、坏、未成瓦也、坏、與培通、坏之言、胚胎也、郭璞爾雅注云、胚胎、未成物之始也、說文、胚、婦孕一月也、胚、疑血也、玉篇、醅、未齊之酒也、坏、胚、醅、並音片、回反、義亦相近也、

慘惛也

卷二云、忤、慘、貪也、爾雅、惛、貪也、昭元年左傳、翫歲而惛日、杜預注云、翫、惛、皆貪也、晉語作忤日而歎歲、忤、翫、惛、並通、

戰憚也

白虎通義引書大傳云、戰者、憚警之也、大戴禮曾子立事篇云、君子終身守此戰戰、又云、君子終身守此憚憚、憚憚、亦戰戰也、魯語、帥大讎以憚小國、說苑正諫篇、作戰、莊子達生篇、以鈎注者、憚、呂氏春秋、去尤篇、作戰、

祭際也

春秋繫露祭義篇云、祭之為言際也、

漂漑也

漢書韓信傳、有一漂母哀之、韋昭注云、以水擊絮曰漂、說文、漑、於水中繫絮也、莊子逍遙遊篇、世世以泝泝、統為事、李頤注云、泝、泝、統者、漂絮於水上、統、絮也、漂、漑、泝、泝、一聲之轉、漂之言、擊、泝之言、拏、泝之言、拏、皆謂擊也、互見卷三、拏、標、擊也、及下文、彈、拏、也、下、

孝畜也

祭統云、孝者、畜也、順於道、不逆於倫、是之謂畜、正義引、援神契云、天子之孝、曰就、諸侯曰度、大夫曰譽、士曰究、庶人曰畜、分之則五、總之曰畜、皆是畜、養、但功有大、小、耳、孝、經、正義、引、援、神、契、云、庶、人、行、孝、曰、畜、言能躬耕力農、以畜其德、而養其親也、孝、畜、古、同、聲、故孝、訓、為、畜、畜、亦、訓、為、孝、孔子閒居、無服之喪、以畜萬

廣雅疏證 卷第五
邦鄭注云畜孝也使萬邦之民競為孝也坊記詩曰先君之思以畜寡人注云此衛夫人定姜之詩也定姜無子立庶子衎是為獻公畜孝也言獻公當思先君定公以孝於寡人

夏償也

周官馬質馬舛則旬之內更鄭眾注云更猶償也檀弓請庚之鄭注云庚償也襄三十年公羊傳諸侯相聚而更宋之所喪何休注云更復也如今俗名解浣衣復之為更衣管子國蓄篇愚者有不賡本之事尹知章注云賡猶償也更庚賡竝通

譎愧也

愧與詭通各本皆作譎愧美也案譎愧二字諸書無訓為美者此因愧下脫去也字而下文愧美也又脫去愧字遂誤合為一條今訂正

傀美也

後漢書班固傳因瑰材而究奇李賢注引埤倉云瑰瑋珍奇也瑰與傀通說文瑰珠圓好也成十七年左傳或與己瓊瑰杜預注云瑰珠也亦美之義也各本脫傀字廣韻傀美也眾經音義卷十引廣雅傀美也今據以補正傀偉與譎愧義相近故次於譎愧也之下若徑合為一則非矣

高祀也

高與享同各本譎作高今訂正

堯曉也

白虎通義云謂之堯者何堯猶曉曉也至高之貌清妙高遠優游博衍眾聖之主百王之長也餘見卷四曉高也下玉篇引白虎通義堯猶曉曉又引廣雅堯曉也則所見本與今異風俗通義云堯者高也曉也言其隆興煥炳最高明也

畏威也

襄三十一年左傳云有威而可畏謂之威皋陶謨天明畏自我民明威馬融本畏作威威畏古同聲而通用

如若也

應受也

爾雅應當也當亦受也周頌賚篇云我應受之晉語其叔父寔應且憎以非余一人韋昭注云應猶受也楚辭天問鹿何膺之王逸注云膺受也膺與應通

裕足也

摸撫也

方言摸撫也郭璞注云謂撫循也釋名云門捫也在外為人所捫摸也今俗語猶謂撫日摸

毒憎也

說見卷三毒憎惡也下

越衝也

衝或作衝說文越走也玉篇云卒起走也是越為衝也越猶堀也文選風賦夫庶人之風塢然起於窮巷之間堀堦揚塵勃鬱煩冤衝孔襲門李善注云堀堦風動塵也引廣雅堀突也突亦衝也互見卷四衝堀揆也下越堀竝音渠屈反

睿聖也

覲仞也

未詳各本覲譌作覲惟影宋本不譌覲曹憲音親刃反考玉篇覲音千刃切廣韻音七遴切集韻類篇音七刃切竝與親刃同音若覲字則音初覲反不音親刃反今定從影宋本

乃汝也

造詣也

姣侮也

姣通作佼。淮南子覽冥訓云：鳳皇之翔至德也，燕雀佼之，以為不能與之爭於宇宙之間。佼者侮也。言燕雀輕侮鳳皇也。上文云：赤螭青蚪之游冀州也，蛇鱗輕之，以為不能與之爭於江海之中，是其證也。高誘注云：燕雀自以為能佼健於鳳皇，失之。

將且也

將請也

衛風氓篇：將子無怒。毛傳云：將，願也。鄭箋云：將，請也。鄭風將仲子篇：將仲子兮。小雅正月篇：將伯助予。毛傳：並云。將，請也。

將帥也

止禮也

小雅小旻篇：國雖靡止。鄭箋云：止，禮也。大雅抑篇云：淑慎爾止，不愆于儀。鄘風相鼠篇云：人而無儀，人而無止，人而無禮，是止即禮也。故韓詩云：止，節也。無禮節也。鄭箋云：止，容止也。容止，亦禮也。襄三十一年左傳云：容止可觀。

棄搨也

搨芟也

並見卷一捐芟棄也下

含掩也

含，玉篇音胡紺切。眾經音義卷十一引埤倉云：掩，含也。謂掌進食也。喪禮以玉實口曰含。義與此同也。掩，玉篇音一感切。今俗語猶謂掌進食曰掩。

啐歆也

說文歆歆也餘見卷三啐嘗也下

馭賈也

未詳

陷濇也

顛倒也

顛通作顛

莫漠也

漠怕也

竝見卷四怕慕靜也下怕通作泊今本怕上無漠字文選張華勵志詩及盧湛時興詩注竝引廣雅漠泊

也今據以補正又案今本無漠字者後人以此漠字為重出而刪之也下文毓長也毓稚也曩久也曩鄉也陶喜也陶憂也濇清也濇泥也皆刪去後一字正與此同不知廣雅屬辭之例皆本於爾雅爾雅釋言之文每因一字而引伸其義有因上一字而連及之者若爽差也爽忒也基經也基設也之類是也廣雅釋言亦用此二例若上文差乃也羌卿也奮訊也奮振也之類皆因上一字而連及之也漠怕也之類皆因下一字而連及之者或義同而類及或義異而別訓屬辭比事各有要歸若改其文云羌乃也卿也莫漠也怕也則是傳注解經之體非爾雅釋言之例矣後放此

衻褻也

衻褻皆屈也衻之言句也喪服記裳幅三衻鄭注云衻者謂辟兩側空中中央也疏云案曲禮以脯脩置者左胸右末鄭云屈中日胸則此云衻者亦是屈中之稱一幅凡三處屈之辟兩邊相著自然中央空矣餘

見卷四 褻詘也下
褻詘與辟屈通

穽坑也

寇鈔也

下文云
鈔掠也

殃咎也

需頤也

需象傳云需須也雜卦傳云需不進也須與頤通各本頤譌作頤今訂正

禴祐也

祐集韻類篇竝作祐未知其審釋天云禮祭也

覽觀也

咸感也

咸象
傳文

勅豫也

勅通作逸晉
語云豫樂也

淫游也

曲禮毋淫視正義云淫謂流移也目當直視不得流動邪眇也是淫為游也文選長門賦神怳怳而外淫李善注引廣雅淫游也

瑞符也

剝爛也

雜卦傳文也剝各本譌作剝今訂正

偃僂也

說見卷一偃僂曲也下

諸於也

於于也

占瞻也

說見卷一占視也下

周旋也

隸噬也

諸書無訓肆為噬者肆噬也當是噬逮也之譌逮字隸書作肆與肆字相近因譌而為肆爾雅遏遂逮也郭璞注云皆相逮及方言作蝸噬云東齊曰蝸北燕曰噬逮通語也邶風日月篇逝不古處毛傳云逝逮也

也唐風有杖之杜篇噬肯適我傳云噬逮也逝遂噬竝通廣雅釋詁釋言之文固多與爾雅相複者矣

政隱也

襄二十九年左傳官宿其業其物乃至若泯棄之物乃坻伏釋文坻音旨又丁禮反坻與政通坻伏謂隱也

簡閱也

桓六年左傳云大閱簡車馬也

質軀也

質地也

鄉射禮記天子熊侯白質諸侯麋侯赤質鄭注云白質赤質皆謂采其地

慶賀也

祇適也

小雅我行其野篇亦祇以異毛傳云祇適也祇音支字從氏各本作祇非祇音脂敬也字從氏

蓋黨也

脰饌也

皆未詳

啗啗也

玉篇語大聲也史記淮陰侯傳項王啗噉叱咤漢書作意鳥猝嗟晉灼注云意鳥恚怒聲也語啗意古字通說文謔大聲也或作啗史記信陵君傳晉鄙夔啗宿將正義引聲類云夔大喚啗大呼燕策云恚睢奮擊响籀叱咤太元樂次三云嚙呱啞咋號眺倚兵咋也義與啗亦相近

噉噉也

說見心二噉噉鳴也下

軫礙也

說見卷一軫礙至也下

脰央也

脰字或作渠又作巨又作遽卷一云央盡也卷四云央已也小雅庭燎箋云夜未央猶言夜未渠央也釋文引說文央已也古辭相逢行云調絲未遽央左思魏都賦云其夜未遽庭燎晰晰集韻巨央也通作脰諸書或言未央或言未遽或言未遽央其義一也卷三云脰久也說文央久也久謂之脰亦謂之央猶已謂之央亦謂之脰矣

非違也

廣雅疏證卷第五上
說文非違也桓六年左傳云謂其上下皆有嘉德而無違心也違心即非心玉藻云非辟之心是也

貫穿也

僂佞也

齊風盧令篇其人美且僂毛傳云僂才也成十三年左傳寡人不佞服虔注云佞才也

讒誕也

見下文誇
讒也下

廣雅疏證卷第五上

廣雅疏證卷第五下

高鄧王念孫學

釋言

霽令也

皆謂善也齊侯罍鐘銘霽命難老即令命也微絲鼎銘永令霽舟緝即令終也戾敦銘霽舟霽令即令終令命也盤庚弔由靈傳云靈善也正義以為爾雅釋詁文今爾雅作令鄘風定之方中篇靈雨既零鄭箋云靈善也石鼓文作霽雨霽靈令聲義竝同互見卷一靈善也下令各本譌作令今訂正

免墮也

未詳

科藪也

說見卷三
科本也下

毀虧也

誓制也

爾雅誓謹也郭璞注云所以約勅謹戒眾說文誓約束也釋名誓制也以拘制之也各本譌作制誓也今訂正

謂指也

指而言之曰謂隱元年公羊傳云王者孰謂謂文王也

節已也

己猶止也

居據也

釋名云據居也晉語今不據其安韋昭注亦云

據杖也

說文據杖持也邶風柏舟篇云不可以據

如均也

堯典云如五器

子已似也

未詳

注

此與下文義不相屬當有脫文不可考矣

理媒也

續通志

卷五十六

二

楚辭離騷云、吾令蹇脩以爲理、又云、理弱而媒拙兮、

滔漫也

說文、滔、水漫漫大兒、堯典云、浩浩滔天、大雅蕩篇、天降滔德、毛傳云、滔、慢也、水漫曰滔、人慢曰滔、其義一也、故釋名云、慢、漫也、漫漫、心無所限忌也、

吳跌也

吳之言傾側、跌之言差、跌也、說文、吳、日西也、又云、廼、日在西方時側也、引離九三日、廼之離、今本作吳、王嗣宗本作仄、士喪禮下篇、作側、穀梁春秋經作稷、竝字異而義同、周官司市注云、日廼、眈中也、史記天官書、倉至日、眈爲稷、漢書天文志作跌、

妬媼也

今俗語猶謂爭色曰媼、音若酒醉之醉、

媼媼也

說見卷一、媼媼、妬也、下媼與媼同、

秩程也

秩、通作秩、又作艷、秩與程、古聲義竝同、說文、程、品也、又云、艷、爵之次弟也、引堯典、平艷、東作、今本作平秩、史記五帝紀、作便程、說文、戠、從呈聲、戠、從戠聲、讀若詩、戠戠、大猷、今本作秩、秩、

腩脂也

說見釋器

輸寫也

小雅蓼蕭篇、我心寫兮、毛傳云、輸寫、其心也、枚乘七發云、輸寫、洪濁、引之云、周語、陽氣俱烝、土膏其動、弗震、弗渝、脈其滿膏、渝、當讀爲輸、謂輸寫其氣、使達於外也、左氏春秋、隱六年、鄭人來渝、平公羊穀、梁作輸、

平是渝輸古字通此言當土脈盛發之時不即震動之輸窮之則其氣鬱而不出必滿塞而為災也韋注訓渝為變於上

縣抗也

說見卷四抗縣也下

朔蘇也

蘇與蘇通說文朔月一日始蘇也白虎通義云月言朔何朔之言蘇也明消更生故言朔也論語為政篇皇侃疏引書大傳云夫正朔有三本天有三統明王者受命各統一正也朔者蘇也革也言萬物革更於是故統焉爾雅朔北方也堯典正義引李巡注云萬物盡於北方蘇而復生故言朔也是凡言朔者皆復蘇之義也

遒逌也

遒逌與鎔交通

汜普也

汜各本譌作汜今訂正

資操也

資與齎通說見卷三操齎持也下

緊糾也

說見卷一緊糾急也下

款叩也

呂氏春秋愛士篇夜款門而謁高誘注云款叩也款與款同

仰和也

徇營也

衆經音義卷十七引倉頡篇云，殉，求也。莊子駢拇篇，小人則以身殉利。司馬彪注云，殉，營也。殉與徇通。說文，奠，營求也。奠與徇古聲義亦同。邶風擊鼓篇，于嗟洵兮，韓詩洵作奠，是其類矣。

民氓也

供養也

序射也

說見卷一，庠養也下。

侯侯也

春秋繫露，深察名號篇云，號為諸侯者，宜謹視所侯。奉之天子也。王制正義引春秋元命包云，侯者，侯也。侯王順逆也。又周官小祝，掌小祭祀，將事侯禳禱祠之祝號。鄭注云，侯之言，侯也。侯，嘉慶祈福祥之屬。

位莅也

莅，或作涖。僖三年穀梁傳云，莅者，位也。古者位莅立三字同聲而通用。周官鄉師，執斧以涖。匠師，鄭注云，故書涖，作立。鄭司農云，立，讀為涖。小宗伯，掌建國之神位。注云，故書位，作立。鄭司農云，立，讀為位。古者立位，同字。古文春秋經，公即位為涖，公即位，肆師用牲于社宗，則為位。注云，故書位，為涖。杜子春云，涖，當為位。各本莅下，脫去也。字遂與下條相連。孝經正義引廣雅，位，莅也。今據以補正。

祿也

祿，下蓋脫錄字。位，莅，祿，錄，皆取同聲之字。為訓。周南，接木正義引孝經，援神契云，祿者，錄也。上所以敬錄。接下，下所以謹錄。事上，白虎通義同。

要約也

逋竄也

劓劓也

說見卷一劓劓斷也下劓與劓同

御侍也

檜距也

說文檜，衰柱也。又云，堂，距也。堂，距，與檜距同。考工記弓人：維角堂之。鄭眾注云：堂，讀如堂。距之。堂，車堂之。嘗，司馬相如長門賦云：離樓梧而相檜。漢書匈奴傳云：陳遵與單于相嘗距。竝字異而義同。檜，各本譌作。檜，自宋時本已然。故集韻類篇竝引廣雅：檜，距也。考說文玉篇廣韻俱無檜字。今訂正。

礙闕也

礙與闕同聲而通用。說文：礙，止也。小爾雅：闕，限也。列子黃帝篇云：雲霧不礙其視。又云：物無得傷闕者。力命篇云：孰能礙之。太元難次六云：二。礙于山下，觸于川。竝字異而義同。

闕閉也

說文：闕，門遮也。楚語：爲之闕籥。蕃籥而遠，備闕之。韋昭注云：闕，闕也。闕，通作蘭。魏策云：有河山以蘭之。史記魏世家：家作闕。

鑄鑿也

方言：鑄，椀也。晉趙謂之鑄。說文：鑄，破木鑄也。一曰：琢石也。淮南子：本經訓：鑄山石，高誘注云：鑄，猶鑿也。求金玉也。鹽鐵論：通有篇云：鑄山石而求金銀。鑄與鑄聲近義同。

水準也

管子水地篇云：水者，萬物之準也。白虎通義云：水之爲言準也。養物平均，有準則也。水與準古同聲而通用。考工記：斲人，斲注則利。準，栗氏權之。然後準之。故書：準，竝作水。

眩矇也

玉篇眈目瞬也廣韻云目眇視也衆經音義卷一引通俗文云一目眨曰瞷瞷與瞷同

剝天也

鄭注王制云天斲殺也說文剝絕也引甘誓天用剝絕其命今本作剝管子五行篇云數剝竹箭漢書外威傳云命操絕而不長竝字異而義同

級等也

冤桂也

著者也

說文書著也釋名書庶也紀庶物也亦言著也著之簡紙永不滅也賈子道德說篇云著此竹帛謂之書書者此之著者也

刊切也

切膾也

竝見卷一劊刊切斲也下劊與膾通刊各本譌作利今訂正

委累也

各本皆作委闕也案委與闕義不相近此因委下脫去累也二字而下文闕下又有脫字遂誤合為一條文選赭白馬賦注云廣雅曰委累也言累加之也今據以補正委之言委積也大戴禮四代篇云委利生

闕也

小雅節南山傳云闕息也大射儀注云闕止也文王世子注云闕終也

牽挽也

劇利也

說見卷二

圖劓也

說見卷四劓劓劓也下

諛是也

大學引大甲顧諛天之明命鄭注云諛猶正也說文正是也是諛聲義竝同

君羣也

逸周書太子晉解云侯能成羣謂之君荀子王制篇云君者善羣也羣道得則萬物皆得其安六畜皆得其長羣生皆得其命韓詩外傳云君者何也曰羣也羣天下萬物而除其害者謂之君

臣繕也

白虎通義云臣者繕也堅也屬志自堅固也繕與繕通

愛優也

說見卷一翳愛也及卷二夔障也下愛優夔竝通

指斥也

詠諧也

說見卷二詠諧詠也下

書如也

書序正義引璿璣鈴云書者如也寫其言如其意情得展舒也

凌暴也

麟轅也

說文轅車所踐也又云麟轅也漢書司馬相如傳云掩菟麟鹿又云蘭元鶴亂昆雞又云徒車之所闔轅

廣雅

卷二

王商傳云、百姓奔走相蹂躪、後漢書班固傳云、蹂躪其十二三、竝字異而義同。

諫謫也

末衰也

繫辭傳云、殷之末世

擊剖也

憤盈也

說見卷一

劇判也

說見卷一判劇分也下

餽也

餽說文玉篇廣韻竝作餽說文餽噉也噉小會也噉曹憲音祈各本脫去噉字其音內祈字又誤入正文集韻類篇竝引廣雅餽祈也則宋時廣雅本已誤案諸書無訓餽為祈者史記司馬相如傳噉咀芝英兮噉瓊華徐廣音義云噉音祈小會也顏師古漢書注云噉音機又音祈今據以訂正

係經也

係與素通素經皆常也法也宣十一年左傳云不愆于素士噉禮獻素鄭注云形法定為素素與索古同聲故索亦訓為法定四年左傳疆以周索杜注云索法也正義引考工記量器銘時文思索鄭注考工記云言是文德之君思求可以為民立法者而作此量鄘風定之方中箋引考工記索作素

貢功也

說文貢獻功也禹貢厥貢漆絲鄭注云貢者百功之府受而藏之周官大宰賦貢以馭其用注云貢功也九職之功所稅也曲禮五官致貢曰享注云貢功也致其歲終之功於王

踉蹠也

未詳

翹尾也

說文翹尾長毛也楚辭九歎云搖翹奮羽

懲恐也

繫辭傳云小人不威不懲是懲為恐也字亦作承哀四年左傳諸大夫恐其又遷也承杜預注云承音懲蓋楚言

書記也

摑拑也

未詳

墮倚也

方言墮倚也郭璞注云江南人呼梯為墮所以墮物而登者也音剗切也案墮倚皆長貌也方言黜短也墮倚也迭長也三者文義相承廣雅卷二云墮長也曹憲音牛哀反漢書司馬相如傳臨曲江之墮州也張注云墮長也倚玉篇音於奇切說文倚上黨倚氏阪也小雅節南山篇有實其猗毛傳云猗長也猗與賦注引許慎注云倚訓積牒旋石以純脩倚文選吳都

媵託也

說見卷三媵侏奇也下侏與託同

適悟也

方言適悟也郭璞注云相觸迂也悟與悟通史記韓非傳云大忠無所拂悟是也適之言枝也相枝悟也枝適語之轉小雅我行其野傳云適之言枝也適也祇之轉為適猶枝之轉為適矣

榷略也

方言榷略也郭璞注云榷概大略也張衡東京賦故粗謂賓言其榷槩如此薛綜注云榷槩不纖密言粗舉大綱如此之言也

鏽燥也

卷二云燥鏽乾也

姬基也

褚少孫續三代世表云堯立后稷以為大農姓之曰姬氏姬者本也太平御覽引春秋元命包注云姬之言基也

優渥也

瀦疑也

疑之言擬議也說文瀦議臯也漢書景帝紀云諸獄疑若雖文致於法而於人心不厭者輒讞之讞與瀦同漢書鼂錯傳通關去塞不孽諸侯如淳注云孽疑也去關禁明無疑於諸侯孽與瀦義亦相近

掄貫也

說文掄貫也

囧囧也

囧囧二字曹憲竝音由玉篇囧囧竝余周五戈二切鳥媒也廣韻囧囧竝以周切囧又五禾切案囧與囧義同而音異囧從化聲讀若譌囧從絲聲讀若由廣雅囧囧也則二字之不同音甚明玉篇廣韻讀若由廣雅囧囧為一字皆非也說文囧字注云譯也從口化聲率鳥者繫生身以來之名曰囧讀若譌則囧與囧異音其囧字注當云囧也從口絲聲而今本云囧或從絲則後人據玉篇改之也潘岳射雉賦恐吾游之晏起慮原禽之罕至徐爰注云游雉媒名江淮間謂之游游即囧之俗字不得與囧同音龍龕手鑑囧音黃雅流登

由、囟、五禾反、與玉篇廣韻異、當別有所本也。

齋持也

說見卷三

彈拚也

說文、拚、彈也、拚與拚同、衆經音義卷十四引仲長統昌言云、繩墨得拚彈、

遺亾也

購償也

說文、購、曰財有所求償也、

捫恭也

未詳

賢尊也

賤卑也

契缺也

史記司馬相如傳、挈三神之驪、集解引韋昭云、挈、缺也、漢書毋將隆傳、契國威器、李奇注云、契、缺也、挈、契、竝與契通、

傅敷也

傅敷古同聲而通用、堯典敷奏以言、漢書宣帝紀作傅、禹貢禹敷土、史記夏本紀作傅、

捫捫也

說文、捫、偏引也、小雅小弁篇、伐木捫矣、毛傳云、伐木者、捫其顛、幽風七月篇、捫彼女桑、傳云、角而束之曰捫、正義云、襄十四年左傳、譬如捕鹿、晉人角之、諸戎捫之、則捫角皆遮截束縛之名也、故云、角而束之曰

猗角拘猗
拘古通用

孝度也

孝經正義引援神契云諸侯行孝曰度言
奉天子之法度得不危溢是榮其先祖也

州浮也

膠肥也

說見釋親
膠鬻也下

椁廓也

椁字亦作槨鄭注檀弓云椁大也言椁大於棺也白
虎通義云槨之為言廓所以開廓辟土無令迫棺也
釋名云槨廓也廓落在表之言也又云
郭廓也廓落在城外也郭與椁亦同義

陰闇也

說文陰闇也陰闇古同聲而通用
無逸乃或亮陰喪服四制作諒闇

迪蹈也

迪蹈古同聲皋陶
謨云允迪厥德

離扶也

說文麗旅行也字或作麗又作離玉篇云字
書離與儷同說文扶竝行也讀若伴侶之伴

并兼也

穰豐也

則卽也

卑庠也

綢緇也

爾雅素錦綢杠郭璞注云以白地錦韜旗之竿鄉射禮記作緇綢緇韜字異而義同

跑鈞也

玉篇跑跑鈞也釋名云電跑也其所中物皆摧折如人所蹙跑也蹙與鈞同玉篇鈞足擊聲卷三云撮擊也張衡西京賦流鏑擣擣薛綜注云擣擣中聲也擣與跑撮與鈞聲義竝相近

妨娉也

說見卷三娉妨害也下

鼎磔也

說文鼎到首也賈侍中說此斷首到縣鼎字亦通作梟說文梟不孝鳥也日至捕磔梟之從身首在木上又云桀磔也從舛在木上是磔與鼎同義

辟法也

爾雅辟法也酒誥云越尹人祗辟

乍暫也

墨子兼愛篇引泰誓云文王若日若月乍光于四方于西土字亦作乍又作詐定八年左傳桓子乍謂林楚杜預注云乍暫也僖三十二年公羊傳詐戰不日何休注云詐卒也

墾均也

夏小正農率均田傳云均田者始除田也鄭注曲禮云除治也卷三云墾治也周語云土不備墾

僉過也

過之言過也夥也方言云凡物盛而多齊宋之郊楚魏之際曰夥自關而西秦晉之間凡人語而過謂之過或曰僉又云僉勦也僉夥也勦亦過甚之意

俚聊也

聊猶賴也秦策云民無所聊餘見上文俚賴也下

駮企也

易是類謀在主駮用鄭注云駮庶幾也又文王世子注引孝經說云大夫勤於朝州里駮於邑字或作冀又作覲並同

扳援也

隱元年公羊傳諸大夫扳隱而立之何休注云扳引也義與攀同

煨火也

煨曹憲音隈案卷四云煨煨也然則煨者以火溫物不得直訓為火煨當為煨字之誤也方言煨火也楚轉語也猶齊言火煨也郭璞注煨呼隗反玉篇廣韻及汝墳釋文並同

遺離也

說見卷三

浮游也

凍澣也

凍字或作澣澣本作澣說文凍澣也內則冠帶垢和灰請澣衣裳垢和灰請澣鄭注云手曰澣足曰澣正義云此澣澣對文為例耳散則通也

梨刻也

說文梨刻也玉篇苦結切廣韻又苦計切爾雅契絕也郭璞注云今江東呼刻斷物為契斷繫辭傳後世聖人易之以書契書序正義引鄭注云書之於木刻其側為契定九年左傳盡俗邑人之車契其軸杜預注云楔刻也荀子勸學篇楔而舍之朽木不折大戴禮作楔淮南子本經訓鐫山石楔金玉並字異而義同刻謂之楔故刻薄謂之楔薄後漢書劉陶傳寬楔薄之禁李賢注云楔刻也

勸削也

玉篇勸減也削也說文削挑取也卷四云削剗也

牟倍也

楚辭招魂成臬而牟呼五白些王逸注云倍勝為牟淮南子詮言訓善博者不欲牟太平御覽引注云博以不傷為牟牟大也進也義與楚辭注同倍勝謂之牟猶多取利謂之牟利故高誘注時則訓云牟多也

剗剗也

說見卷三剗剗屠也下

剗鉤也

卷二云剗裂也玉篇剗丁侯切小裂也廣韻云剗剗小穿也鉤亦剗也玉篇廣韻並音圭云裂也

謹諒也

說文謹謹嫁也嫁與諒通謹各本譌作諒今訂正

期卒也

期之言極也小雅南山有臺篇云萬壽無期萬壽無疆魯頌駟篇云思無疆思無期百年日期義亦同也

許與也

末坐也

踐踏也

曲禮云毋踏席踏與踏同

酌漱也

未詳

歎溟也

噴也。又引通俗文云：含水溢曰溼。莊子秋水篇云：噴則大者如珠，小者如霧。易林噬嗑之兌云：蒼龍銜水，泉溼屋柱，各本皆脫。歎字，衆經音義卷十九引廣雅：歎，溼也。今據以補正。

調啁也

說見卷四
啁調也下

諧牒也

蘇林注漢書禮樂志云：牒，諧第之也。

齋慄也

孟子萬章篇引書夔夔齋栗。史記周本紀乃告司馬司徒司空諸節齊栗信哉。齋齊慄栗竝通。

狄辟也

災苗也

爾雅田一歲曰苗。孫炎注云：始災殺其草木也。說文苗，古文作苗，是苗與災同義。故經傳災字多借作苗。

恭肅也

泄洑也

洑與溢通。禹貢云：洑爲熒。中庸云：振河海而不泄，是泄爲溢也。洑各本譌作洑。衆經音義卷八卷十八二十五竝引廣雅泄，溢也。泄，漏也。今據以訂正。

泄漏也

固陋也

臺支也

方言：臺，支也。釋名：臺，持也。築土堅高，能自勝持也。持與支同義。

表特也

楚辭九歌表獨立兮山之上王逸注云表特也

誇讖也

說文讖誕也誇讖也廣韻引東觀漢記云雖誇讖猶令人熱褚少孫續日者傳夫卜者多言誇嚴以得人情嚴與讖通讖各本譌作讖今訂正

氏牴也

氏讀氏羌之氏太平御覽引風俗通義云氏言牴冒貪饕至从好利也牴與牴通

廟兒也

兒與貌同書大傳云廟者貌也以其貌言之也桓二年左傳正義引白虎通義云宗者尊也廟者貌也象先祖之尊貌桓二年公羊傳注云廟之為言貌也思想儀貌而事之周頌清廟箋云廟之言貌也从者精

神不可得而見但以生時之居立宮室象貌為之耳

貳汙也

貳當作膩玉篇膩垢膩也曹憲音有女史二字即女吏之譌

貳然也

未詳

齊整也

慄戰也

條枝也

扣掘也

說見卷三掘扣穿也下

殃禍也

數術也

劣鄙也

鈔掠也

蔥慎也

蔥各本譌作葱惟影宋本皇甫本不譌論語泰伯篇
慎而無禮則蔥何晏注云蔥畏懼之貌大戴禮曾子
立事篇云人言善而色蔥焉近於不說其言荀子議
兵篇認認然常恐天下之一合而軋己也漢書刑法
志作鯁蘇林注云鯁音慎而無禮則蔥之蔥鯁鯁懼
貌也王延壽魯靈光殿賦云心惴惴而發悸竝字異
而義同卷四云慎恐也

姤遇也

姤彖傳文也
爾雅作遯同

律率也

太平御覽引春秋元命包云律之為言率也所以率
氣令達也又引宋均注云率猶遵也續漢書律歷志
注引月令章句云律者清濁之率法也周官典同注
云律述氣者也述與率通中庸上律天時注亦云律
也述也

憤情也

繫辭傳聖人有以見天下之賾京房作噴云噴情也
太元元瑩云陰陽所以抽噴也噴情也賾噴竝與憤
通

祭析也

說見卷一析祭分也下
析各本譌作折今訂正

學如馬融注云、學連也、
變各本譌作變、今訂正、

善佳也

纒暫也

粲鮮也

小雅伐木篇、於粲酒
婦、毛傳云、粲、鮮明貌

紹繫也

說見卷二紹
繫、緝也下、

期時也

咳包也

咳與
該通

箋云也

未詳

葉世也

商頌長發篇、管在中
葉、毛傳云、葉世也、

曾是也

未詳

視比也

雜記、妻視、叔、父、母
鄭注云、視猶比也、

執脅也

執與懾通、脅與脅通、說見卷
四、懾怯也、及下文懾服也下、

譏譴也

譏通作幾周官宮正幾其出入鄭注云幾呵其衣服持操及疏數者眾經音義卷三引倉頡篇云譴呵也

諭曉也

豕挽也

說文豕豕走挽也挽與脫通脫豕聲相近豕猶逐也逐或作遂漢書匈奴傳贊遂逃竄伏字從辵豕聲豕相近

蹠蹲也

說見卷三蹲蹠踞也下

諛諷也

鄭注大司樂云倍文曰諷又注瞽矇云諷誦詩謂闇讀之不依詠也闇與諛同

贈稱也

太平御覽引春秋說題辭云贈之為言稱也遂之為言遺也

甲押也

史記律書云甲者言萬物剖符甲而出也索隱云符甲猶孚甲也漢書律歷志云出甲於甲說文甲位東方之孟陽氣萌動從木戴孚甲之象卷四云押輔也然則萬物初出有孚甲以自輔故云押也

乙軋也

律書云乙者言萬物生軋軋也律歷志云奮軋於乙說文乙象春草木冤曲而出陰氣尚彊其出乙乙也

丙炳也

律書云丙者言陽道著明律歷志云明炳於丙說文丙位南方萬物成炳然

癸揆也

律書云癸之為言揆也言萬物可揆度也律歷志云陳揆於癸鄭注月令云壬之言任也癸之言揆也冬時萬物皆懷任於下揆然萌芽以上所釋十榦名義凡四條其庚更也己見卷三丁強也己見卷四戊茂也己紀也壬任也己見本卷惟缺辛字一條蓋傳寫遺脫也律歷志云悉新於辛月令注云庚之言更也辛之言新也秋時萬物皆肅然改更秀實新成

子孳也

律書云子者滋也言萬物滋於下也律歷志云孳萌於子說文子十一月陽氣動萬物滋滋與孳通

丑紐也

律書云丑者紐也言陽氣在上未降萬物屈紐未敢出也律歷志云紐牙於丑釋名云丑紐也寒氣自屈也紐也

寅演也

律書云寅者言萬物始生蟪然也律歷志云引達於寅釋名云寅演也演生物也演蟪引古竝同聲

辰振也

律書云辰者言萬物之振也律歷志云振美於辰說文辰震也三月陽氣動雷電振民農時也振震振竝通

巳巳也

律書云巳者言陽氣之已盡也律歷志云巳盛於巳說文巳巳也四月陽氣已出陰氣已臧萬物見成文章巳與巳同

午午也

律書云午者陰陽交午律歷志云罟布於午說文午悟也五月陰氣悟逆陽冒地而出也作悟罟古竝同聲

未味也

律書云未者言萬物皆成有滋味也

亥亥也

各本誤在息休也之下今訂正說文亥亥也十月微陽起接盛陰以上所釋十二枝名義凡八條其酉就也己見卷三申伸也已見卷四惟缺卯戌二條律書云卯之為言茂也言萬物茂也戌者言萬物盡滅律歷志云冒菲於卯畢入於戌說文卯冒也二月萬物冒地而出戌滅也九月陽氣微萬物畢滅

息休也

仔克也

爾雅肩堪克也說文仔克也周頌敬之篇佛時仔肩毛傳云仔肩克也鄭箋云仔肩任也任亦堪也

偽引也

諸書無訓偽為引者偽當作價字之誤也說文傷引為賈也玉篇音於建切後漢書崔寔傳悔不小斬可至千萬斬或作傷字又作賑玉篇賑物相當也廣韻賑引與為價也案引為價謂引此物以為彼物之價即相當之意也引傷語之轉耳上文云仔克也下文云儋態也侍承也儼戒也佼交也傲倨也下文皆出說文人部傷亦是也

儋態也

儋之言善也說文儋作姿態也

侍承也

儼戒也

佼交也

傲倨也

側旁也

寢想也

寢經傳通作夢列子周穆王篇云神遇為夢

逆道也

道通作錯卷三云逆亂也亂亦錯也

癘疣也

註疏也

說見卷二註疏識也下

論衙也

說見卷三衙論賣也下衙與衙同

皋局也

局之言曲也小雅止月篇不敢不局毛傳云局曲也鶴鳴篇鶴鳴于九皋韓詩云九皋九折之澤王逸注離騷云澤曲曰皋是皋局皆曲也皋為曲局之局又為界局之局文選西京賦寔惟地之與區神皋李善注云廣雅曰皋局也謂神明之界局也

厯逢也

王逸離騷注文

匄帀也

說文匄帀也字通作合王制云天子不合圍

慶匿也

論語為政篇人焉廋哉孔傳云廋匿也互見卷四廋隱也下

賁佳流登

卷第五下

三

衡寢也

衆經音義卷十四引三倉云、衡、說言也、說文、衡、寢言不慧也、寢、瞑言也、列子周穆王篇云、眠中吟嚙呻呼、瞑、眠、寢、嚙、竝同、

慌寢也

說文、說、寢言也、義與慌同、下文云、說、忽也、

鹹銜也

說文、鹹、銜也、

礙距也

說文、礙、止也、距、止也、距、與、距、通、

科品也

說文、科、程也、程、品也、

搪揆也

說見卷四

嬈苛也

說見卷二、嫪、詵、透、掃、嬈、也、下、

媿嬾也

經傳通用、褻、瀆、

痾瘞也

說見卷二、瘞、痾、短也、下、瘞、與、瘞、通、

鈇鈇也

鉦各本譌作鍬今訂正說文鉗鐵鉦也鉦鉗也徐鍇傳云鉦猶箭也說文箭箝也釋名云攝攝也攝取髮也鉦箭鐳竝同義箝與鉗亦同義字又作鉞周官典同注鉗讀為飛鉗涅鉗之鉗鬼谷子作飛箝陶宏景注云箝謂牽持緘束令不得脫也射鳥氏注并夾鉞箭具釋文引沈重云鉞或作鉗後漢書陳寵傳絕鉗鑽諸慘酷之科李賢注引倉頡篇云鉗持也又引說文鉗鐵鉗也卷三云拈拈持也拈與鉗亦聲近而義同

嫖權也

說見釋訓嫖權都凡也下

軍圍也

說文軍圍圍也呂氏春秋明理篇其日有暈珥高誘注云暈讀如君國子民之君氣圍繞日周帀有似軍營相圍守故曰暈也淮南子覽冥訓畫隨灰而月運闕高注云運讀連圍之圍運者軍事相圍守則月運出也軍運圍古聲竝相近

賈固也

白虎通義云賈之為言固也固其有用之物以待民來以求其利者也

柰那也

那各本譌作那今訂正宣二年左傳棄甲則那言棄甲則柰何也柰何二字單言之則曰柰揚雄廷尉箴云惟虐惟殺人莫子柰是也那為柰何而又為柰若諸為之於而又為之矣

甚勳也

猥頓也

頓猶突也月令寒氣總至鄭注云總猶猥卒也卒與猥同猥殺皆頓也成十八年公羊傳疏引春秋說云厲公猥殺四大夫言頓殺四大夫也漢書文三王傳何故猥自發舒言頓自發舒也馬融長笛賦山水猥

廣雅疏證
至言頓
至也

瞽窺也

說見卷一窺瞽視也下
瞽各本譌作瞽今訂正

時伺也

說見卷一觀視視也
下觀時視伺竝通

說忽也

老子云無狀之狀無象之
象是謂忽恍恍與說通

僦賃也

史記平準書索隱引通俗文云雇載
曰僦商子墾令篇云令送糧無取僦

捕搏也

牒窳也

未詳

坵垢也

西山經錢來之山其下多洗石郭
璞注云澡洗可以礪體去垢坵

山宣也

藝文類聚引春秋說題辭云山之為言宣也含
澤布氣調五神也說文山宣也宣氣散生萬物

麥蕤也

蕤各本譌作桎說文麥莖穀秋
種厚蕤故謂之麥今據以訂正

啞咄也

啞之言叱也廣韻啞咄叱
呵也燕策云响籀叱咄

春蠶也

鄉飲酒義春之為言蠶也產萬物者聖也鄭注云蠶動生之貌也聖之言生也漢書律歷志云春蠶也物蠢生迺動運春秋繁露陽尊陰卑篇云春之為言猶僂僂也喜樂之貌也僂與蠢通書大傳云春出也物之出也出與蠢亦同義故考工記梓人注云蠢出也

夏嘏也

鄉飲酒義夏之為言假也養之長之假之仁也鄭注云假大也書大傳云夏者假也吁茶萬物而養之外也律志云夏假也物假大迺宣平假與嘏通

跨奎也

跨通作跨爾雅驪馬白跨騎釋文引倉頡篇云跨兩股間也說文跨股也又云奎兩髀之間也莊子徐無鬼篇奎蹄曲隈向秀注云股閒也說文跨渡也方言半步為跬跬亦跨也跨與跨跬與奎聲相近皆中空

之意也互見卷三卦割屠也下

鉞刑也

說文鉞鉞圓也刑剗也一曰齊也楚辭九章刑方以為圓兮王逸注云刑剗也莊子齊物論篇五者園而幾向方矣司馬彪注云園圓削也漢書食貨志百姓抗斂以巧法顏師古注云園圓削也謂摧挫也韓信傳刻印刑蘇林注云刑音刑角之刑手弄角訛也酈食其傳刑作玩淮南子秦族訓云摩而不玩訛與鉞通園抗玩竝與刑通

薄附也

薄之言傳也迫也說卦傳雷風相薄陸績注云相附薄也楚辭九章腥臊竝御芳不得薄兮王逸注云相附也

蘗苗也

也

楊揚也

楊當作陽釋名云陽揚也氣在外發揚也

謂萌槩也說見釋草苗孽也下苗苗孽槩竝通或讀苗爲災害之災則槩爲天作孽之孽亦通

月闕也

月令正義引春秋元命包云月之爲言闕也說文月闕也十五稍減故曰闕也太陰之精象形

旒券也

將扶也

規擬也

說見卷四

昌光也

說文昌曰光也

諛訾也

說見卷二諛訾諛也下

剝勢也

玉篇剝直破也管子五輔篇博帶黎尹知章注云黎割也淮南子齊俗訓云伐梗枏豫章而剖黎之文選長楊賦分勢單于李善注引韋昭曰勢割也勢黎竝與剝同說文勢剝也劃也

癩癧也

說文癩小兒癩癧病也漢書藝文志有金創癩癧方素問診要經終論云太陽之脈其終也戴眼反折癩癧潛夫論貴忠篇云哺乳太多則必掣縱而生癩竝字異而義同癩之言掣癧之言縱也說文云引而縱曰癩癧與掣同

品式也

說見卷四

似若也

唯茹也

唯與嚼同方
言云茹食也

詠訴也

說見卷二詠
訴諍也下

懾服也

服各本譌作般今訂正說文懾服也秦策云趙楚懾服史記項羽紀諸將皆懾服漢書作讐服陳咸傳作執服朱博傳作懾服竝字異而義同

嬾慙也

欬歔也

說文欬笑意也嵇康琴賦云
欬愉懽釋玉篇歔笑意也

打楮也

楮之言搯擊也秦策云句踐終
楮而殺之打見卷三打擊也下

掣擘也

玉篇掣研破也研與
擘同說文擘摩也

粹辛也

說見卷三
痢痛也下

恰綴也

未詳

糜其也

糜通作靡中孚九二我有好爵吾與爾靡之釋文靡韓詩云其也孟同集解引虞翻注亦同

竅孔也

瘰癧也

玉篇瘰力代切惡病也又云癧說文力大切惡病也月令云民多疥癧韓非子姦劫殺臣篇云厲人憐王今俗作癩竝字異而義同

費耗也

新初也

祛挹也

玉篇祛兩手挹也漢書揚雄傳祛靈蠟韋昭注云祛捧也

窳窳也

說見卷四窳藏也及卷七窳窳也下各本譌作窳窳也廣韻集韻類篇竝引廣雅窳窳也今據以訂正

瘳瘳也

說文瘳人不能行也瘳罷病也足不能行故謂之瘳病史記平原君傳瘳者曰臣不幸有罷瘳之病是也瘳瘳瘳瘳瘳竝同

惠賜也

瘳瘳也

方言瘳病也東齊海岱之間曰瘳秦曰瘳郭璞注云瘳謂勞復也廣韻引音譜云瘳病重發也玉篇瘳瘳復病也瘳復瘳瘳竝通傷寒論有大病差後勞復治法

識謂也

曹憲云、有本作只詞也、集韻類篇引此作識調也、皆未知其審

匪彼也

小雅小旻篇如匪行邁謀是用不得于道鄭箋云、匪非也、君臣之謀事如此與不行而坐圖遠近是於道路無進於跬步何以異乎襄八年左傳子駟引詩云、云杜預注於跬步何以異乎襄八年左傳子駟引詩云、衆無適從也顧氏寧人行邁謀謀於路人也不得于道夫孔多是、用不集發言盈庭誰敢執其咎則杜解為長、古人或以匪彼通用、二十七案此詩彼交匪教作彼者故杜據彼為說、雨無正云、如彼行邁、其意略同、又漢書引桑扈詩亦作匪荀子勸學篇引采菽詩也、念孫案小旻三章云、如匪行邁謀是用不得于道、四章云、如彼築室于道謀是用不潰於成、語意正相同、則匪即彼也、是以廣雅及杜注皆訓匪為彼、詩中

匪字多有作彼字用者、廊風定之方中篇、匪直也、人秉心塞淵、猶言彼直也、人秉心塞淵也、檜風、匪風、雅、四月、篇、匪、車、偈、兮、也、小言、彼、鵲、彼、鵲、則、翰、飛、戾、天、彼、鱣、則、潛、逃、于、淵、我、獨、無、所、逃、於、禍、患、之、中、也、猶、上、文、云、相、彼、逃、于、淵、而、清、載、濁、我、日、構、禍、曷、云、能、穀、也、何、草、不、黃、篇、匪、兕、匪、虎、率、彼、曠、野、哀、我、征、夫、朝、夕、不、暇、言、彼、兕、彼、虎、則、率、彼、曠、野、矣、哀、我、征、夫、何、亦、朝、夕、不、暇、乎、猶、下、文、云、有、芄、者、狐、率、彼、幽、草、有、棧、之、車、行、彼、周、道、也、都、人、士、篇、匪、伊、坐、之、帶、則、有、餘、匪、伊、卷、之、髮、則、有、旗、言、彼、帶、之、坐、帶、則、有、餘、彼、髮、之、卷、則、有、旗、也、猶、上、文、言、彼、如、蠶、也、說、者、皆、訓、匪、為、非、失、之、

尿柄也

說見釋器

駑駘也

黃能流登

卷之二十一

三

餒餉也

廣韻餒噎聲也說文噎飯室也噎與餉同餒餉二字竝從飠隸體小異耳

寢偃也

射繹也

射義云射之為言者繹也繹者各繹己之志也

脰鎔也

未詳

辯變也

王逸注九辯云辯者變也謂嗽道德以變說君也

拊抵也

王逸注九歌云拊擊也堯典云子擊石拊石拊各本

氏聲玉篇音多禮切說文抵側擊也從手氏聲玉篇

音之是切引秦策抵掌而言說文又云拊擊也此云拊抵

也曹憲音紙則其字當從氏今據以訂正史記滑稽

傳抵掌談語集解亦引秦策抵掌而言漢書杜周傳

擊也朱博傳奮髯抵几顏師古注云抵擊也音紙揚

文選注引說文抵側擊也後漢書隗囂傳人人抵掌

李賢注引說文抵側擊也又引趙策蘇秦與李兌抵

掌而談張衡東京賦抵壁於谷李善注引說文抵側

約儉也

是別漢冀州從事張表碑抵拂頑詢字從氏不從氏

廣雅疏證

卷第五下

三

咀唯也

杼淥也

楚辭九章發憤以杼情王逸注云杼淥也

效驗也

效各本譌作驗文選閒居賦演連珠注竝引廣雅效驗也今據以訂正

駘角也

駘之言格角之言觸也方言鉤宋楚陳魏之閒謂之鹿駘或謂之鈎格郭璞注云或呼鹿角說文駘骨角之名也樂記角駘生鄭注云無髻曰駘說文駘骨也東山經其神狀皆獸身人面載駘郭璞注云麋鹿角曰駘淮南子主術訓桀之力別駘仲鈎漢書司馬相如傳犧雙駘共柢之獸服虔高誘注竝云駘角也各本譌作角駘也今訂正

劇攻也

說見釋獸劇攻犒也下

敷像也

說見卷三揚敷戲也下揚與像通

維隅也

高誘注淮南子天文訓云四角為維

衄縮也

謂退縮也釋名云辱衄也言折衄也方言衄忸忸忸也說文朔而月見東方謂之縮衄衄忸忸忸音女六反義相近也

險噉也

說文、噉、魚口上見也。集韻引字林云：噉、魚口出水。魚、韓詩外傳云：水濁則魚噉。淮南子主術訓：水濁則魚噉。高誘注云：魚短氣出口於水，喘息之喻也。馬融長笛賦云：鱗魚噉於水裔。左思吳都賦：噉、噉、沈浮。劉逵注云：噉、魚狂。水中羣出，動口見。

攘搯也

說見卷一。搯、舉也。下、搯與攘同。

崽子也

方言：崽者，子也。湘沅之會，凡言是子者，謂之崽。若東齊言子矣。郭璞注云：崽音泉聲之轉也。

祆妖也

釋名：妖，妖也。妖，害物也。妖與祆通。

鐡筭也

史記平津書云：算，輶車賈人緡錢，皆有差。漢書武帝紀：初，筭緡錢。李斐注云：緡，絲也。以貫錢也。一貫，千錢。出筭二十也。說文作鐡，義同。

彼俾也

彼、俾，皆衰也。說見卷二。頓，彼衰也。下、玉篇：俾與俾同。彼與彼、俾與頓，古亦通用。

邇也

邇，下各本皆缺一字。說文：邇，行邇邇也。徐鍇傳云：漸迂衰也。司馬相如大人賦：駕應龍象輿之螭，略委麗兮。麗與邇同。說文：邈，衰行也。引禹貢：東邈北會于匯。爾雅：邈，迤。沙邱郭璞注云：邈，行連延。揚雄甘泉賦：登降崩嶽。李善注云：崩，崩也。邈，與邈迤同。邈，所缺。或是邈字。彼，訓為俾。邈，訓為邈。皆衰之義也。

離剛也

贅肱也

厚牙正言 卷第五
說見卷二 肱腫也
及上文贅屬也下

晃暉也

說見卷四
晃明也下

裝椽也

說見卷二 裝椽飾
也下 裝與裝同

繚驕也

集韻引 埤倉云 繚 細長也 爾雅釋木 小枝上 繚為喬
郭璞注云 謂細枝皆翹 繚上句者 名為喬木 喬與驕
繚與繚 竝同義 驕各
本譌作鬻 今訂正

瘳痺也

說文 瘳 溼病也 素問 痺論云 風寒濕三氣雜至 合而
為瘳 瘳各本譌作寤 玉篇 廣韻 集韻 類篇 竝云 瘳 瘳
也 今據以訂正 素問 五常政
大論云 皮膚瘳肉 苛筋脈不利

瘳腫也

集韻引字林 同瘳
見卷二 瘳腫也下

吞咽也

難難也

說見卷三
難少也下

煗煗也

說見卷三 煗
煗熾也下

毓長也

此下八條皆一字兩訓而其義相反 郭璞爾雅注云
以徂為存 以亂為治 以曩為邇 以故為今 此皆詁訓

義有反覆旁通美惡不嫌同名是也爾雅育長也邨風谷風篇既生既育鄭箋云育謂長老也說文引堯典教育子今本作胄子馬融注云胄長也胄育毓古同聲

毓
稚也

幽風鷓鴣篇鷓鴣子之閔斯毛傳云鷓鴣稚也正義云釋言鞠稚也郭璞曰鞠一作毓毓育鞠古亦同聲各本稚上無毓字又下文曩鄉也陶憂也濘泥也無曩陶濘三字皆是後人所刪說見上文漠怕也下

曩
久也

爾雅文也久猶舊也楚辭九章云猶有曩之態也

曩
鄉也

亦爾雅文也竝著於此所以別異義也曩二十四年左傳云曩者志入而已說文曩不久也曩與鄉同

陶
喜也

陶
憂也

竝說見卷二鬱悠思也下

濘
清也

濘
泥也

此二條已見釋詁復著之亦以別異義也

鎌
瓜也

方言凡箭鏃胡合贏者四鎌或曰鈎腸三鎌者謂之羊頭郭璞注云鎌稜也餘見上文廉瓜稜也下凡諸書引廣雅而今本全脫其文者釋詁釋言莫可區別皆附載於此篇之末
秘密也

見玉

篇

稊稾也

見唐風鴉羽釋文說文稊種稾也爾雅苞稊也孫炎注云物叢生曰苞齊人名曰稊鴉羽箋云稊者根相迫迮相致考工記輪人稊理而堅聘義縝密以栗鄭注竝云致也縝與稊通說文今稊髮也引鄘風君子偕老篇今髮如雲今本作鬢義亦與稊同說文概稊也史記齊悼惠王世家云淡耕概種

稊
文選束皙補亡詩及謝靈運過始寧墅詩注竝引廣雅稊稾也

見莊子馬蹄釋文

酒滋液也

衆經音義卷二及集韻類篇竝引廣雅酒滋液也衆經音義卷二十五引廣雅滋液也玉篇酒才周切酒

液也鄒陽酒賦云甘滋泥泥司馬相如封禪文云滋液滲漉揚雄羽獵賦云上獵三靈之流下決醴泉之滋

褫敝也

見衆經音義卷六卷十八敝通作奪說文褫奪衣也訟上九云終朝三褫之刷刮也

見衆經音義卷九說文刷刮也周官凌人秋刷鄭衆注云刷除冰室

契

集韻引廣雅契刮也說文契字注云斷契刮也玉篇云斷契刷刮也陵侮也

衆經音義同上

廣雅流登

卷五下

三

刑鑊也

見眾經音義卷十三

禱請也

見眾經音義卷十六

躓頓也

見眾經音義卷十七爾雅寔路也寔什也寔與躓通說文什頓也

鎮竿也

見眾經音義卷十八說文鎮博厭也厭竿也厭通作壓眾經音義卷二十四引倉頡篇云壓鎮也竿也

黷蒙也

見眾經音義卷二十一

角試也

見眾經音義卷二十二帥講武習射御角力呂氏春秋孟冬紀同高誘注云角猶試也管子七法篇云春秋角試

冤抑也

見眾經音義卷二十二

嘗暫也

見眾經音義卷二十三二十四

泄發也

鄙猥也

竝見眾經音義卷二十五

弛釋也

意疑也

見文選魏都賦注周官大司
樂令弛縣鄭注云弛釋下之

長楊賦意者以為事罔隆而不殺物靡盛而不虧魯
靈光啟賦意者豈非神明依憑支持以保漢室者也
李善注竝引廣雅意疑也案意者猶言或者故乾文
言云或之者疑之也漢書文三王傳於是天子意梁
顏師古注亦云意疑也意亦擬度之辭也禮運云聖
人耐以天下為一家以中國為一人者非意之也必
知其情辟於其義明於其
利達於其患然後能為之
果能也

見西征賦注孟子梁惠王篇君是以不果來也離婁
篇果有以異於人乎趙岐注竝云果能也晉語是之
不果奉而暇晉是皇章昭
注云果克也克亦能也

希庶也

西征賦注左思詠史詩注嵇康幽憤詩注傅咸贈何
劭王濟詩注引廣雅竝同希者庶幾之合聲故希又
訓為庶爾雅庶幾尚也
庶幸也皆謂希望也
秀異也

見遊天台

山賦注

浮罰也

見閒居賦注投壺若是者浮鄭注云浮罰也晏子春
秋雜篇云景公飲酒田桓子侍望見晏子而復於公
曰請浮晏子浮罰一聲之轉論語公冶長篇乘桴浮
于海馬融注云桴編竹木大者曰棧小者曰桴棧之
轉為桴猶罰
之轉為浮矣
載則也

見高唐賦注、鄘風載馳篇載馳載驅、幽風七月篇、春日載陽、鄭箋竝云、載之言則也、漸稍也、

見謝靈運遊南亭詩注、說文、稍、出物有漸也、趙策云、稍稍蠶食之、違異也、

見沈約學省愁臥詩注、邶風谷風傳云、違、離也、培、搯也、

見潘岳馬汧督誄注、及華嚴經卷五十五音義、莊子人間世篇云、自培擊於世俗、喝、嘶也、

見謝莊宋孝武宣貴妃誄注、方言、嘶、啞、噎也、楚曰嘶、秦晉或曰噎、又曰噎、噎、與咽同、謂鳴咽也、噎、與喝同、司馬相如子虛賦、榜人歌、聲流喝、郭璞注云、言悲嘶也、論衡氣壽篇云、兒生號啼之聲、鴻朗高暢者壽、嘶

喝、濕下者、天、後漢書張酺傳、王青被矢貫咽、音聲流、言又云、東齊聲散曰嘶、秦晉聲變曰嘶、說文、訾、悲聲也、周官內饗、鳥曠色而沙、鳴、鄭注云、沙、嘶也、內則注、作嘶、正義、作斯、云、斯、謂酸嘶、漢書王莽傳、莽為人、大聲而嘶、顏師古注云、嘶、聲破也、竝字異而義同、風聲也、

見王僧達祭顏光祿文注、詩序云、風、教也、禹貢云、聲、教、訖于四海、文六年、左傳云、樹之風聲、方所也、

見後漢書黃憲傳注、垠、𠄎也、

見張衡傳注、說文、垠、地垠也、一曰岸也、文選、西京賦、注、引許慎淮南子注云、垠、𠄎、端、厓也、𠄎、與𠄎通、淮南子、倣、真、訓、作、𠄎、漢書揚雄傳、作、鄂、垠、荀子、成、相、篇、作、銀、淮、南、子、倣、真、訓、作、圻、又、作、埜、漢書敘傳、作、沂、竝、字、黃、佳、流、登、卷、第、五、下、三

異而義同

講讀也

見初學記
太平御覽

論道也

見初學記以上二條說
見卷二讀道說也下

馭駕也

見華嚴經卷
十一音義

祿詛也

見集韻類篇玉篇云祿
呪詛也呪祿一聲之轉

搗拘也

同上玉篇
搗手搗也

懵闇也

同上玉篇懵牟孔切心亂心迷也集韻又謨蓬謨中
彌登母亘四切爾雅夢夢亂也孫炎注云昏之亂也

大雅抑篇云視爾夢夢又爾雅僂僂昏也釋文
僂字或作懵說文懵不明也竝字異而義同

朋癥也

同上說文朋癥也廣韻直引切云杖痕腫處衆經音
義卷九云今俗謂肉斗腫起為癥疹或言癥朋也

諛諛也

同上諛玉篇音虛儉息廉二切說文引立政勿以諛
人徐鍇傳云諛猶險也今本諛作儉馬融注云儉利

也引盤庚相時憇憇諛也儉利干上儉人馬融注云儉利
小見事之入也韓非子詭使篇云損仁逐利謂之疾

險竝字異而義同文選顏延之和謝監靈運詩注引

黃佳流登

卷五下

三

廣雅疏證卷第五下
倉頡篇云、諛、佞、諂也。孟子公孫丑篇、諛辭、知其所蔽、趙岐注云、險、諛之言、荀子成相篇云、讒人罔極、險、陂、傾側、詩序云、內有進賢之志、而無險、諛、私、謁之心、竝字異而義同、
廔、廔也、

同上、玉篇亦云、廔、廔也、廔與覆同義、說文、瑾、道中外、人人所覆也、引小雅、小弁篇、行有外人、尚或瑾之、今本作瑾、毛傳云、瑾、路冢也、瑾與廔義相近、

廣雅疏證卷第五下



